

贛州府志卷十九

輿地志

塋墓 義塚附

贛縣

宋吏部尚書曾楸墓

在崆峒山  
據謝志

宋禮部侍郎曾開墓

在崆峒山  
據謝志

宋直秘閣陽孝本墓

在通天巖提刑李傳實助塋後經遷  
出淳熙六年提刑趙葉延璽合屬僚

程宏靖王沈陳琦為營壙復塋於此詳謝志

宋陳光祭陽閣閣文

嗚呼先生清而能介和不流甘  
枯稿於當年將終身於林邱入行

招聘幡然來遊講經辟雍學者是求欲為不可即請歸  
休朝議是嘉進職挽留官直秘閣俾且優游世之隱者



能忘世而不出利祿之士或貪進而忘羞惟予先生完  
潔無尤出處進退與道為謀生成之理倏然浮漚壽八  
十四舉世罕儔抑當不朽高名之由某晚出鄉間蒙  
誨且周言猶在耳忽隔冥幽陳辭以奠流涕莫收  
聖祭陽閣閣墓文 嗚呼先生趣尚孤高行誼端潔擢落  
都然著腳宦海寰裳弗濡抱負所有歸隱故廬藏書萬  
卷反覆細繹深造理窟怡然自得一世名儒至以元德  
秀比之其清風到今猶足以激懦律貪舊墓在下巖之  
側邦人惑於陰陽忌諱起先生遺骨藏之祠堂昔重相  
之墓過者下馬喬公之墓過者致奠思其人而敬其墓  
於先生而若此豈邦人致敬之意某等聞之惕然遣邑  
吏按尋舊穴得石壙一所辟之滌之作爲小棺納遺骨  
以葬從先生志也復揭姓名於墓道俾來者勿壞既畢  
謹遣宣議郎幹辦公事備酒肴以告伏惟先生之德與  
此巖同不朽雲駉霞佩未必不時遊於茲也既歸遺骨  
魂則有依敢告

明御史陸載墓

在雲泉鄉良  
富據謝志

明湖廣布政使李旭墓

在西門外  
據謝志

明四川布政使謝詔墓

在九十四都  
沈邊據張志

明大理寺左丞劉思誨墓

在信豐江南  
畚淵據張志

明光祿寺左丞鍾春墓

在梅林  
據張志

明推官金汝和墓

在南郊外教  
場前據張志

明廬江知縣劉思騰墓

在汶溪謝屋  
樓前據張志

明知縣彭森墓

在五眼橋樟  
樹坪據張志

明閣部諡忠節楊廷麟墓

廷麟死於清永塘都督柯永盛  
感其忠稿葬南門外五里菱角

塘據張志

國朝葉啟祥修楊文正公墓記

順治三年 大兵破賴  
州督師兵部尚書萬公

元吉協守兵部尚書楊公廷麟同日死郡志稱萬公死於章江楊公死於清水塘池中俱爲柯永盛所墓萬公不知其墓處楊公墓在焉按寧都魏處士禧崇禎皇帝御書記當公之死於清水塘也有兵獻佩刀於右軍將賈熊刀鐔及室盡黃金飾賈曰此必非常人佩也詢所從得曰得於某處因同至尸所識者曰此楊閣部也賈惻然曰忠臣固無彼此急召畫工圖其像命匠以門扇爲棺瘞之西門外河上後賈鎮寧都處土與善八年請於賈將改葬命故瘞者同往發十餘處不得遂止蓋贛州遭金王之變營西郊昔所隆起標記被蹂踐以平無可識矣康熙十八年處士過贛見賈之子重儀出示崇禎皇帝御書因言九年楊公公子某來求公尸得之因改葬立墓碑致祭成禮公子感德因以御書唐人詩當軒半落天河水遠徑全低月樹枝十四字爲報云公子卽公歿時掠於兵南昌彭士望典鬻衣飾以贖之者也觀魏記則公葬於賈非葬於柯志稱柯所葬誤已或一時相傳之訛抑或萬公爲柯所葬故並及之柯去後遂莫有知萬公墓處而公之葬處實因賈鎮寧都故得詳也公墓碑署曰明閣部楊伯祥諡文正公墓僅尺許高卽附於壙之封處字漸漫漶將不可識墓在道旁僅

抔土然訪之土人固罔不知此卽可以知公之爲人矣雍正九年歲在辛亥觀察王公懼其久而將湮也因命役修之易以豐碑視舊有加題曰明楊文正公之墓旁署公之諱字爵里蓋距公子改葬之歲六十有二年是時也龍南敘諭楊某清江人來謁王公延以問公之後人云公已無後人旁支只一人貧薄不能自立已不知所之古云天之報施不爽其然乎其不然乎嗚呼忠義不能必其不朽漢陵唐寢尙未可保然而忠臣孝子名人烈士塚墓所在後之人惟恐其不存至於感歎歛獻奔走營護欲其永於天壤間此又人情之不可解者也公之墓遂能永終於不朽是未可知然而修於今之辛亥碣志儼然數十年後保無有愛敬前賢如王公者考其遺事遞相封殖庶幾可永使今日而任其淪於灌莽漸致無考豈不深人感歎乎然則今日之舉又曷可少公之抔土一日而存則在人心爲一日之幸也祥之文何足記王公能爲於舉世不爲之日王藩重修楊忠節此又人之所難者故不揣而書之

公墓記 嗚呼忠義之理之不泯於人心也今猶古矣何可於楊忠節公之墓任其陵夷淪沒而弗爲之

營護也哉。賴城清水塘為公殉節處，某既碑而揭之，因而考其墓蓋藁葬於順治三年。賈將軍熊改葬於康熙九年。公之子琦實始遷，今地一修於雍正九年。王觀察世繩再修於乾隆十三年。與國教諭清江謝天翼三修於嘉慶十五年。邑人鍾傑、羅詩瑞等並買民田拓其基，環以土垣。越今又三十五年矣。墓地濱河漲水，蓄其垣向無省視者，官亦置勿問。故易圯，先是陳刺史雲章寄金倡修，當事者遷延不果，迄潰於成。丞思踵成之，尋以規建陽明書院工不可兼，姑緩焉。癸卯秋復理，前議躬詣相度，則頽垣斷碣，中蔓草荒烟，淒然入目，勢不可緩。急捐金以為倡，署轅事劉令恒、泰繼之，陳刺史聞而復自寧都寄貲與其事。署郡訓導鄧恩林籍新塗於公為同郡，復告其郡人之在賴者，賴教諭程景暉復舉賴士之一二好義者相率捐助，有差此亦足以見人心之所同矣。費集工與程教諭董其役，肇於是年十月，畢於次年正月。垣周以石圍，凡三十六丈，有奇。前崇九尺，麓實堅鞏，發築如式。二月二十二日，白觀察李公率官屬謁墓，告成並議於十月四日。值公殉節之期，守郡者詣祭一次，歲以為例。而某尤愴然有感於中焉。夫死生亦大矣，死於人所不死之地而不死於人所不忍死之心。

謂之不死可也。其所以必死者，義也。而氣配之也。其所為不死者，理也。而名附之也。公於是乎不朽矣。人之於公，非為欲不朽其名，且欲不朽其骨，則人心之直之有所致於公，而非公之所及知也。然而公之死也，萬郭二公實同之，郭燿於火，萬亦迷所葬。公之墓巍然獨存，非人之所能為也。天也。天之所存，而或委置焉，又聽其銷沈而湮沒焉，豈人心哉。抑聞之前記云：公已無後人，支族衰微，亦無為之後者。此又天道不可知，而人心有足恃矣。今日修墓之舉，其庸可已乎。嗚呼！公之不死於人，心者公之不朽於天壤也。會工者，礱石以記，請於是乎。書公前稱文正。國朝諡忠節，宜改遵其官爵事實，詳在志傳，不復贅。凡與於斯役者，仿漢碑例，具載如左。

國朝程綬拜楊忠節墓詩  
半壁江南付劫灰，孤軍猶障借狼兵。過嶺來八境，張皇烽火急。雙流鳴咽水，聲哀傾危一木難。支廈休說書生少，將才荒郊西去久。陽村華表巍然樹，墓門大碣幾遭江水齧。巖疆猶記陣雲屯，柳車倉卒勞軍將。麥飯淒涼泣子孫，嶺上梅花同一哭。千秋憑弔兩忠魂。

陳雲章拜楊忠節公墓并寄石瑤辰權守詩

力守孤城勢不支殺身未肯豎降旗江山半壁勤王日  
 忠義千秋報國時激浪有聲哀賴石懷沙無語怨湘纍  
 至今碧血長埋處尙想丹心照水湄 題詩曾與和梅  
 村今日居然拜墓門故國無人綿血食他鄉有地葬忠  
 魂碑陰剝落蒼苔蝕牆角傾頽白浪吞 郁鼎鍾楊忠節  
 寄語使君重補葺為扶正氣壯乾坤

墓追次陳秋河刺史韻 天壓殘疆壞莫支軍門空復建  
 牙旗孤城視死如歸日百戰餘  
 生盡瘁時早擬懷湘成志潔未甘覺鼓辱臣纍一坏雷  
 與人憑弔嗚咽灘聲起水湄 牧樵重見禁江村許我  
 披榛謁墓門二百年來猶護壠一千里外就招魂欲獻  
 家國情何極寂寞河山淚暗吞莫悵五忠祠蹟渺自雷  
 正氣在 程景暉楊忠節公墓次陳秋河刺史韻 大度傾  
 乾坤 難一木  
 支救援空望粵中旗更無勁放回天力正是孤臣殉國  
 時玉帳並存心耿耿青燐莫辨塚纍纍寶刀戎服餘生  
 氣應有清風起水湄 佳城重築役西村木落霜清掃  
 墓門節廟謝文酬素志義高彭魏慰幽魂天摧殘壘風  
 猶烈地老荒江汨暗吞 聖代褒揚隆賜諡臣忠勝  
 感道符坤

明兵部尙書諡忠節萬元吉墓

元吉死於貢水與廷諱同為柯禾盛稿葬失其處塚

張志

明兵部員外郎諡節愍盧觀象墓

張志載在 賴縣無考

明萬州倅月世光墓

張志載在 賴縣無考

明廣州通判郭咸仰墓

在綿江 據張志

明贛州衛副千戶孫韜孫蘭墓

俱在小南門外 據張志

國朝

贈榮祿大夫曹艷官墓

在白雲山 據寶志

南昌總鎮曹建龍墓

寶志載在 賴縣無考

合水知縣劉時通墓

寶志載在 賴縣無考

雲南學政何其睿墓

在四會鄉長演壩據寶志

廣德知州詹宜倫墓

在大由鄉小背坑據寶志

監察御史劉宗魏墓

在桃子園據寶志

竹筓知縣宗超海墓

在大由鄉上村據縣志

孝子譚聖請墓

在梅林據縣志

左都督王大勝墓

在桃子園據縣志

汝寧知府徐紹洵墓

在大由鄉小背坑新增

鉛山縣教諭戴雲官墓

在章水鄉水口塘新增

新會知縣袁嘉德墓

在羊嶺上竹林背林背新增

恩樂知縣袁嘉保墓

在羊嶺上竹林背與嘉德合墓新增

介椒知縣袁頌墓

在南門外青螺嶂新增

雲都縣

漢柴侯劉叔喬墓

在縣南七十里據謝志

唐都監楊筠松墓

在藥口今稱為楊公壩筠松寶州人明萬曆初知府葉夢熊立石表之據謝志

明石康知縣嚴鶚墓

在北門外打禾橋據張志

明廣東兵備僉事袁慶祥墓

在三門灘洛坑據張志

明平樂知府嚴球墓

在打禾橋據張志

明南京工部主事何延仁墓

在東嶽廟後據謝志

明刑部主事黃宏綱墓

在西門外生佛寺右據謝志

明巡按浙江監察御史袁淳墓

在縣西麻油坑渡船嶺據張志

塋墓

明巡撫應天僉都御史李涿墓 在回院三塔 坑據謝志

信豐縣

朱丞相呂大防墓 在南山寺 右據張志

張尚瑗曰續通鑑云大防卒於信豐哲宗聞之曰大防何以至虔州及大忠請歸葬遂許之則汲公固歸葬矣南山之塚一坏如拳其誕已甚然而過者必拜大賢之名德浹於人心也瑗有詩曰歸葬君恩青史在故雷疑塚重鸞叢王鞏雜錄又云卒於瑞金乃傳聞異辭

國朝黃文淵呂汲公論 呂汲公相母后垂簾成元祐之治竟以竄逐旅死於信豐之南山寺舊有墓在南山寺右固其渴葬之地今猶在也以公之賢體魄殞於茲土宜專祀而論者或少之嘗攷公

行事如罷劉摯引楊畏不能無疵史稱其朴厚忿直世遂以此少之予竊以為不然昔漢高帝謂工陵少慙而屬之繼相曹參謂陳平智難獨任而以安劉歸少文之周勃漢武帝初任智數權術之徒幾危社稷及其悔之

轉亡為存者在屬一朴厚之雀尤蓋天下任智數權術者必小人而敦朴淳厚者必君子然世主往往以智數權術為能而以致僕淳厚為不才以至用小人壞其國世徒知小人有逢君之術而不知其智數權術有以大得乎世主之心此小人所以易得志而君子所以難見用也當哲宗朝司馬公已卒求可為社稷之寄者獨一汲公耳宜仁后既知之及其將薨也曰公等亦宜早退令官家別用一番人君臣母子間猶若是其難其言何悲也毋亦深知哲宗好喜事而當時小人之智數權術足以勝汲公而來之邪鞏固已逆探哲宗之旨首劾汲公遂罷之恐後何哲宗之愚也其曰大防樸直為人所賣之語復似深知汲公者何耶論者遂以哲宗二三年後可復見之語咎大忠不應洩之以致為小人所中使哲宗而知其賢其去之也何其速其收之也何至二三年之遲乎意非以樸直稱汲公之賢究不知樸直之必為君子也神宗用羣小亂國賴元祐之政係無危亡至紹述之禍流於徽欽國勢遂不可支當時諸君子以黨類自相攻許惟汲公慙直無黨獨借汲公為楊畏所愚然當時為楊畏所附者不獨一汲公如蘇子瞻以文章氣節高一世乃至從旁朗誦楊畏彈文以間范呂二公

則汲公之引楊畏顯其明見不足也人非大賢以智仁  
勇出而經世區區以智數權術必足以敗天下事而愈  
直樸厚者必君子孔子謂甯武子曰其愚不可及也吾  
於汲公亦云或曰使汲公於楊畏上疏時直斥其非則  
章惇呂惠卿不得進用不至釀成異日之禍噫公之誤  
不在於斥楊畏上疏之日斯時也更何及哉其引楊畏  
也是其任質而不學  
之咎也能無疵乎

元主簿李鳳朝墓

貴州人拒賊賴清規死難塋廩  
山其地今呼爲主簿腦據寶志

元知縣李廉知縣李敬墓

李廉李敬父子安成人相繼知  
縣事殉難塋于邑中據張志

明縣丞李子昭墓

博野人塋水東坊  
祖教寺左據張志

明知縣王學古墓

下洪州人塋水北  
坊中山塘據張志

明儀隴知縣黃閏墓

在章頭村  
據寶志

明山東按察僉事黃思賢墓

在章頭村  
據寶志

明吏部主事黃德溫墓

張志載在  
信豐無考

明樂清知縣劉時省墓

張志載在  
信豐無考

明衢州通判曹明墓

在水東坊祖教  
寺前據張志

明德府審理江湖墓

張志載  
無考

明湖廣按察司副使黃大節墓

在小江早禾  
田據寶志

明孝子黃學墓

張志載在  
信豐無考

明旌德知縣張淵墓

張志載在  
信豐無考

明涇府審理俞溥墓

在黃陂半  
逕據張志

明巡撫浙江副都御史甘士价墓

在小東坊九  
子嶺據張志

明魯府教授俞琳墓

在桐木堡小溪  
渡頭據張志



明孝子李元祺墓 在楊坊堡福船岡據寶志

明長興知縣黃注墓 寶志載在信豐無考

明馬麟墓

本仁按張志邱墓載元知縣馬麟而謝志則稱馬麟明信豐人并詳其孝友事蹟應從謝志為確

國朝

祭酒徐先登墓 龍南人墓在信豐崇化堡鵝墩秀都易學實銘其墓

兩浙鹽運副使謝升墓 在星村堡東富

古田縣知縣謝偉墓 在小江赤土圳

蕪州知州謝宗黃梅縣知縣謝肇清墓 俱在小江堡隘前

兩浙鹽運副使李光皓墓 在草嶺堡高市壩

典國縣

梁檢校工部尚書鍾匡墓 在激江鎮沙陂匡穎川人避侯景難偕弟寵徙南康郡據張志

唐睦州參軍鍾寶慎墓 在殷富坪紹京墓左據寶志

唐吉州安福令贈饒州刺史鍾子威墓 在激江鎮沙陂寵孫紹京祖據張志

唐中書令越國公鍾紹京墓 在長信里石亭西殷富岡據謝志

唐兵部尚書李邁墓 在良村據縣志增

唐檢校戶部尚書謝肇墓 在衣錦鄉黃口據謝志

宋司空李潛墓 在長信里木口山據謝志

宋寶文閣待制李朴墓 在長信里木口山據張志

宋左司諫李謙墓 在馬良石人嶺明萬厯間知縣蔡鍾有勘得之據縣志增

墓

宋翰林編修王質墓

在方太上台村寺背據寶志

宋大理評事呂寅墓

在屋山下春口壩據寶志

宋豫章宮校蕭行可墓

在羅姥頭據寶志

宋上杭令鍾紹安墓

在長信里據縣志增

元贛州路總管呂志熊墓

在長信大木口據寶志

明太常卿呂復墓

在南隅九峯山據謝志

明孝子呂叔素墓

在長信里其弟叔熙叔寅墓九峯山據寶志

明孝子呂承廣墓

在沫泗橋據張志

明孝子凌汝祥墓

在迴龍牛皮寨據張志

明澧州同知胡濟墓

在北隅窰岡砂枝嶺

明樂昌知縣謝魁墓

在鳳凰莊據張志

明孝子王朝綱墓

在松岡寨據寶志

明唐府長史鍾曼墓

在花園背據寶志

明四闕土墓

在西山塔北霞猫坑一蔡培卿知縣蔡鍾有弟三皆鍾有客也一林子樹一林國宗一林兆遷從游歿鍾有買地營葬并置

買田租入石為墓祀費據張志

明訓導林學墓

在社稷壇後據縣志增

孔與浙曰碑載嘉靖十一年二月故訓導延平林公學之墓儒學生員張賢等立考蔡志嘉靖八年福建長樂林時懋任興國訓導延平府有將樂縣或譌為長樂學之於時懋似以字行者始八年到任十一年卒而葬於此歟存之亦以徵此邦土習之厚寶折曰舊志有興國內侍謝世安墓張尙瑗謂正統三年諭葬碑猶存白石瑩潔如玉堅綴故獨無恙外亭址中胡宗伯濬所撰志銘今無有矣查興國志謝

世安傳云年十五給事內庭高帝令庀孝陵工永樂間令營長陵時遷都燕京復令增修宮闕朝市進本監太監後被命往川西採運木石凡入往還以勞勩恪勤益任之正統戊午卒乞歸葬祖塋許之其事實亦無甚可傳姑附於此

國朝

贈內閣學士王鼎相墓 在銅鑼窩 據縣志增

禮部侍郎王思軾墓 在北隅蔭 塘據縣志

本仁案王思軾墓竇志誤載清德鄉蓮塘今從縣志更正

樂城知縣呂大夏墓 在西門 嶺新增

安仁縣訓導劉天真墓

猗氏知縣廖應梓墓 在山寮 新增

進士鍾飛鵬墓

蕪湖知縣鍾人文墓

鳳臺知縣鍾旭墓

翰林院庶吉士蕭明峯墓 在城北 新增

會昌縣

宋翰林侍講尹天民墓 在城南 據張志

宋樞密院唐稷墓 在城西 據張志

宋胡銓樞密院唐公稷墓誌略 唐樞密院編修稷字堯 彌號硯爾少穎異讀書

十行俱下落筆數千言政和二年登進士授宜黃丞歷知監利縣縣瀕江築堤捍水民享其利會廉訪使議增茶課稷力爭之被劾去宣和五年起授潮州司士參軍兼管左右獄平反多人秩滿歸建炎三年冬隆祐太后

塋墓

幸顧召赴從衛以定亂功調吉州軍判官未赴太守韓昭問辟宰龍南坐通守媒孽去官稷訴於朝改南外宗政司教官十五年除樞密院編修力求補外得荆湖南路安撫司主管機宜文字後主管台州崇道觀隆興元年卒塋硯岡稷於書無所不讀尤邃於易嘗詣行在獻十四策再上萬年書皆切於時惜不能用先是稷祖過雩都奇硯岡山水結廬其間稷常居之著硯岡集五十卷

宋翰林學士劉澹崖墓 在城南松塘坑據張志

明余侯墓 在乾坤巖金船峽峽旁立廟祀之今呼為余侯峽據資志

明北流知縣蕭鶴齡墓 在城南冠嶺據張志

明工部郎中文伯達墓 在水東據張志

明崑山二尹何涓墓 在筠門嶺壩背新增

明邳州牧何式墓 在湘鄉司背水南新增

明永定知縣何輔墓 在白埠上門新增

明鄉賢鄭永恭墓 在南門外據縣志

國朝

陝州閔鄉知縣宋國璜墓 在沿壩塘岡甲杉樹窩新增

江陰知縣鍾儼祖墓 在承鄉大布腦石窩新增

江陰知縣吳湘臯墓 在湘鄉文坑坑黃漆岸

沂水知縣王元功墓 在湘鄉石螺空村大門口

三水知縣賴澤霖墓 在承鄉洛口

彌勒知縣劉廷珍墓 在承鄉蓬下

主事廖占鼇墓 在縣南郊林岡壩

安遠縣

梁白侍郎墓 在南逕 據張志

唐張景墓 在上林鄉安樂里不知爵里有殘碑載唐咸通八年末有百世之下豈泯斯人八字據張志寶志

歐陽將軍見墓 在龍泉堡年代 無考據張志

張武翊墓 在賓陽門外一名 白沙墓據張志

龍南縣

祭酒唐國忠墓 在東村年代 無考據張志

宋安撫使鍾佃墓 在雷公堂 據謝志

元縣尹陳泰墓 茶陵人知縣事殉難葬馬鞍山明萬曆間知縣王繼孝修墓立石表之參謝志縣志

本仁案張志載有元義士鍾昇享墓在小磴頭及考龍南邑志知昇享乃龍虎觀道士也其生平無所表見從縣志刪

明邵公子墓 在演武亭左邵令元高子也隆慶間隨任歿葬于此據張志

明荊州推官鍾應問墓 在象塘堡峽頭據寶志

明馬湖府推官石城溫卓墓 在大官窩 據寶志

長寧縣

國朝

進士邱上峯墓 在西廂 洋坑

永順府知府曾愚亭墓 在雙橋堡 黃薑坪

修文縣知縣曾應選墓 在雙橋堡 擴田村

華陽縣知縣曾自柏墓 在雙橋堡黃苗坪

泰興縣知縣曾應封墓 在雙橋堡邱坊

西安縣知縣曾應召墓 在雙橋堡壩田龍骨山

定南廳

國朝

知縣曹邦偉墓 在東門外教場演武臺左順治六年貢生廖汝鏞墓之

典史蔡國相墓 雍正六年典史包坦遷附曹墓與邦偉合墓題曰雙忠墓有記乾隆三十四年貢生

黃卷廩生黃培等重修訓導汪泚記

國朝包坦雙忠墓記 縣令曹公諱邦偉山西貢生順治六年城陷賊脅之降公斥曰有斷

頭知縣無降賊知縣大罵不屈因受害子亦被殺縣尉蔡公諱國相浙江仁和人順治八年廣賊夜至公力戰

殺數十賊及被擒形色不變向以手擊賊怒刺之肉盡而死予於雍正六年春任賴之定南尉備謁忠烈祠覽志乘知二公殉難最慘明年復於荒垣野蔓中得二公骸槨奈浮屠有第積磨殆盡良足悲矣予力薄且將謝事僅獲焉不獲表彰勁節以慰忠魂伏望邑之當事懸紳士父老廣為增葺永為維護植松木構祠宇歲其有祭而曹公之子亦與焉庶不負二公之捐軀報國且以見忠臣孝子之當為也 黃紉杏雙忠

墓祀田記 柳下有言以死勤事則祀之能禦大災則祀之能禔大患則祀之先王之制也若夫殺身

成仁一身而備數德聞風者且欲馨香薦之矣居是土親享其功德而目覩夫衣冠之所產則謀所以祀之者不尤極乎定之雙忠墓雍正七年縣尉包公合葢故尹曹公故尉蔡公之所也曹公於順治四年尹是邑六年而廣賊破城公罵賊一家盡節死越二年蔡公來又以禦賊被剛死悉夫吾聞明之季世將相大臣人君親推穀而授以封疆能者養賊自重餘降且走者紛紛也二公以一介孤臣屬宦遠方絕遠之域疑於封疆大臣有間矣而倉卒之際相繼致命曾無毫髮顧慮此固由國家景運之隆一命之士皆知以身許國抑亦二公見

義之勇故能臨危不辱如此雖祀典所稱何以加焉  
朝廷賜之祭塋將垂諸丹青以維持名教爲士大夫風  
勵定之人其爲慨慕思報又當何如也百餘年來遺事  
猶在人耳目而故塚日湮曾無過而拜者謂非都人士  
之過歟包公合塋時捐穀六百歲取息爲祭費包公去  
而祭廢墓遂荒乾隆三十四年春從兄黃卷黃培以祀  
祖道經東郊慨然見斷碑殘碣於烟草間因商諸汪溶  
川師具呈張邑侯率士民樂輸培而新之復慮墓完而  
無以祀與包公之塋而復湮者何殊於是昆季黃卷黃  
培等各捐貲俾紅杏經理生息乾隆四十七年始買祭  
田八十束於水西野豬塘實租三石於每歲清明謁墓  
而祭或曰二公之精忠與日星河嶽其垂不朽其存沒  
何藉墓與田然而召公之棠將軍之樹古人且不勝其  
珍重愛惜之思况其人乎親享其功德目覩乎衣冠之  
所瘠忍令一日而廢祀哉是役也愿年經營幸而有成  
倡之者則汪溶川師與兄卷培之力也嗟乎二公其永  
有血食於茲土乎謹記置田始末用期後來者增長之  
敬奉之勿替

贛州府贛縣滿澤園一在東門外竹塢園一在南門外明

王都御史守仁檄知縣宋瑤購建一在水東坊東溜巷

一在苑田皆知府戴記置一在城外東坊

潤枯園明泰昌元年爲錢都御史桓置三處一在竹塢

園一在天花園一在上打鄉又二處一在桐梓園郡人

戴學大捐置一在東郊駱駝嶺知府謝錫袞置

了因院在蓮社巷後康熙年間關樞使者任邱霍焜建

以停旅櫬內設浮屠收火葬遺骨

國朝霍焜了因院浮屠詩

燕山三月春風速花飛驛路  
相馳逐凌州五月暑氣炎乍

到江關性不服道說虔南達社菴禪房曲逕通幽竹荷  
風法雨靜南薰貝葉琅函開西竺我坐香臺萬慮清欲  
駕青遐遍林麓寶華上人號撫松性澹水月凝枯木打  
破關頭更了因撥動禪機如轉轆面壁相忘紅雪嬌談

鋒倒瀉明珠射同來抱月吾好友說到參禪縱詩酒相  
滌塵襟仰太空白衣瞬息成蒼狗富貴徒勞萬與千以  
此看之十失九君不見蓮社浮屠名普同青燐白骨月  
濛濛芳草不憐春夢短開花欲落故園空又不見浮屠  
歲久風雨從掩帶因緣頻斷續我發菩提再築之江水  
江雲依舊綠年年八月秋風發處處青閨禱明月人生  
聚散不須悲且看浮屠掩枯骨浮屠枯骨誰家子貴賤  
賢愚皆爾爾又不見六朝金粉興闕珊一聲鴉鳩香已  
矣

普同塋在東城外棲賢菴康熙間知府萬文齡邑人曹

建龍修乾隆十九年建龍孫曹元仁重修知縣沈均安

記嘉慶十九年邑人捐修黃觀海記

國朝沈均安普同塋記略 普同塋在贛東城外之棲賢菴不知初始如何代康熙間知

府萬公文齡邑南昌總鎮建龍凡再修之年久傾圮寺  
僧亦散破棺露積乾隆十九年總鎮孫前河南守曹公

元仁欲重新之以告余余曰掩骼埋胔亦令甲之所重  
也弗爲繕葺何以慰夫露處之魂魄耶今菴之塋以收  
無主之骨余以祿餘簿書費復董其事因爲簿籍借捐  
而一屬之曹公乃爲時俸期而菴宇神像以及塋以塋  
證皆煥然改觀矣計經始於十九年七月落成於二十  
年之九月其費銀四百餘金其菴前廣四丈輪二丈三  
尺後廣與前埒而輪加三分之一左右爲兩廂兩廂壁  
後爲存寮二所俱廣六丈輪二丈存寮以貯放骸貧不  
能葬者亦往厝焉後菴爲塋塋名曰普同以收枯骸歲  
終則總計其久遠無人展視者而葬之官地東西室爲  
僧居後之東西室爲肆區收其入以贍僧其經營擘畫  
皆曹公身任之而余特觀其成焉昔曹壘葬無主之骨  
而漢書特稱之今之菴塋公先總鎮公實嘗修焉今公  
能繼之可謂世載其德矣今爲計其成而邑之以貲助  
修者例得并著名焉

西門外義塚在了因院西南蓮社菴乾隆三十七年

巡道忠泰知府吳山鳳捐俸建置有記立石了因寺



國朝吳山鳳西門義塚記

余守贛二載無日不以正人心厚風俗爲念壬辰夏方撰

爲短歌刊布禁民之溺女不育及檢骸易塋者思有以動其天良而挽其澆薄之習有來告者曰短歌之布誠仁人用心顧城外東西寺院尸棺狼藉枯骸棄擲公盍起而謀之俾各安土壤乎因亟命贛邑陳尉往視越日來復謂城外東栖賢菴西了因寺本前賢捐建俾客居者寄櫬今則土著咸利其便爭昇棺積厝家貧中落歷久而忘其惑於形家言者則發已塋之骸囊貯置側亦歷久而忘而西東二門龍神廟等處並有寄櫬各寺廟通計棺二百餘囊六十餘強半無主識認余蹙額曰人心風俗之不古苟有如是哉此而不爲之謀守土者之心不其怒然不寧已乎卽口具牘聞於大府觀察忠公捐俸倡始爰命李學博偕陳尉經紀其事凡有主之棺責令本家自塋其無主有姓名者以姓名造冊無主無名者依原厝某寺某屋某方編號繪圖造冊購得西門外蓮社菴西北地一片橫十三丈五尺深十二丈與舊涵澤園相接足供掩埋男歸男類女歸女類火化不葬男女者歸火化類墓立石碑府署圖冊稽圖冊以對墓碑卽無姓名之骸子孫亦可識認蓋捐俸五十而諸骸

悉返於土前告者復來曰此事惠及枯骨功德無量矣余應之曰邵守臨蒞九邑凡九邑未竟之事皆郡守莫釋之責掩骸而自以爲功則掩骸而外未竟者咎將誰屬余所謂聊以釋片時之憾無使其終於怒然不寧而已且夫山深壤僻小民不聞大義急朝夕之謀而忘其根本者所在多有至於先骸棄擲雖甚淺忍之夫不免天良激發今茲所購視類有泐而掩覆之者不尤爲不若哉凡我同官宜何如加意勸懲俾人心風俗悉還於古吾之憾雖釋於一時吾之心其果終釋而無復怒然不寧也乎

儲潭渡口舊有義塚骸骨已滿道光二十六年巡道李

本仁捐買庚王氏荒地并每年倡施棺木歛塋

新增

義塚一在愛敬鄉山栲塘一在石馬山一在長湖尾俱

東韶劉王祠捐置

雩都縣涵澤園一在北關外一在縣西明覺寺右廣長五

頃宋崇寧間建置嘉定十七年知縣余機築牆爲門基址已盡明萬曆二十一年知縣黃應元又購二區一在長初坪一在北古田坪

國朝康熙四十三年知縣盧振先查舊古田坪重立

信豐縣漏澤園在縣治南宋崇寧間置

義塚一在水北天一宮一在西郊長面嶺一在水東樟木嶺俱雍正十二年里人曹清瑞捐施又水東樟木嶺先農壇前一處係乾隆三年里人李捷達捐施

興國縣漏澤園在北郊二里許宋寶慶二年知縣李德劄置郡人趙東野爲之記

義塚一在瑤岡上一在西山塔背一在南門外仁壽菴背一在儒林鄉大馬埠老教場前有古碑石一在大足鄉桐塘口大路北名竹山下一在衣錦鄉杉溪水日新墟左名同人墓邑人鍾肖侃劄置一在溫坑隆興菴左邑人楊文英捐置一在水南邑貢生曾魁默捐置一在郎園都宋家圍竹坑窩邑人江中魴捐置一在清德鄉白芒邑人高紹瑋捐置

普同塔在北郊三里許邑人謝廷煥倡置

會昌縣漏澤園一在南郊林岡腦茶園背明知縣冒夢齡置一在水東邑人謝益置

萬靈塋在護生菴背西北與茶園近邑人賴之晁置

義塚一在高排一在矮寨背嘉慶二十一年安徽陶正

堃捐置

安遠縣漏澤園一在古田坊一在西門外燒金均宋崇寧

間置

義塚在修田坊黃泥嶺官山內乾隆十二年署知縣劉

彤奉督部院趙檄置立碑

義冥園在古田坊大興寺左乾隆十五年知縣董正統

倡置邑人唐光文記

桑棗園在古田坊大興寺後

幽房在教場東乾隆七年邑人唐光文等捐置詳雜建

置唐光文普濟堂記

龍南縣漏澤園在南門外教場又龍南四鄉士民俱立有

義塚

長寧縣漏澤園一在北城外一在東門外一在縣背嶺

義塚在阜城門外邑厲壇右雍正十二年知縣陶正子

釋地豎碑

定南廳漏澤園一在城東教場前一在城東塋下一在西

門窰下

義塚一在雙忠墓側乾隆二十一年建遺化祠得古骸

增生廖逢蓉收塋之自為記一在城東教場口曾希聖捐建一在橫江堡車步鍾瀾等捐建

贛州府志卷二十

輿地志

習俗移人賢者不免此古人有激而言非篤論也水土之性各異氣習之尚不同責在主持風化者之有以維之耳若夫物產從同贛無甚異者首仿禹貢詳職貢次仿職方詳土宜以俟博物君子

風俗

處於江南地最曠大山長谷荒翳險阻交廣閩越錮鹽之

販道所出入

王安石處州學記

風氣錯糅人多勁健尚義

李太初贛

州學記

隋唐疆圉日闢聲教寔遠人皆抗節篤志

舊郡風志

俗篤厚而純一劉尚友會士知嚮學民頗遷善舊都山

川之綢繆人物之伉健大概去南漸近得天地陽氣之

偏不可以刑威懾而可以禮義動文天祥記

贛縣地界與雩田腴民勤最稱富饒通志崇尚儉樸有先民

遺風禮讓之俗近古贛縣志

雩都無甚貧甚富頗類古之齊民居不求華服不求侈飲

食不求異器用不求奇雩都縣志

信豐地險僻民質樸力穡不事商賈董德元記市無方言民不

靡食羅圭峯文集比戶苙歌曳金紫而躋臚仕者相望也漢記

興國民氣近悍尚鬪郭知章記地界深山長谷鮮商販惟務農

力產士夫尚禮義興國縣志為三程過化之地其流風善

俗猶有存者閭閻樸實非達官貴人不衣綺羅市無帛

肆途絕游婦邑紳徒步無輿馬興國縣志

會昌山峻水駛民質剛勁會昌縣志俗敦樸而好禮士力學知

所嚮往張貞生會昌學記窮約不附勢利會昌縣志農利雖稀無惰

民婦以績麻為職同上

安遠山峻水激人多好勝安遠縣志俗質樸以耕為業安遠舊志敦

信義重然諾矜尚名節安遠縣志

龍南在萬山中其人亢健而任俠士恥虛務實鮮以標榜

聲華爲事俗勤耕織無不糞之士龍南縣志宮室服器多從

質素龍南縣志

長寧俗儉樸不尚奇巧長寧縣志果而挾氣勇而喜爭楊萬里記

士敦操尚惜廉恥民力稼穡女勤紡績儉約有唐魏風

邱上

定南民惟力耕不事他技定南縣志近龍南者多強悍近安

遠者多循謹近信豐者多誠樸其簡質無華則同定南縣志

冠禮顛鬣縉紳家多行之各邑則於受室前夕集親友祖

父以冠加於其首醮於堂而命之字惟安邑在迎親後

宴客酒將半新郎起加冠是冠禮在婚禮前而附於婚

禮者也據各邑志

婚娶必擇家世相當者問名而後納采行聘多辭不受財

止受服飾而已嫁女擇婿首重儒生尚合古人治家之

訓採顛縣志

女之笄卽男之冠也顛俗謂之上頭將嫁則行之禮有納

采問名俗曰傳紅士大夫則曰傳庚禮有納幣俗曰茶

禮士大夫則曰過聘禮有納吉請期俗曰報日禮有親

迎俗曰接親禮有合盃俗曰交杯禮有廟見及見於舅

姑俗曰拜堂名雖異而近古張志

親迎婿自迎其婦也接嫁則遣子弟代之矣親迎之禮零

都獨存他邑閒有一二行之者

參張志

頓多童養媳每在髻鬣或乳哺時入門畧具花燭儀及長

擇吉祀祖而配合之謂之合帳雖不備禮而貧家可免

溺女之患亦變禮之得者

參信豐縣志

頓俗信巫婚則用以押嫁葬則用以押喪有巫師角術之

患士君子以禮傳家則不用

採張志

親死延浮屠作佛事有力之家則請鄉紳題主行家奠不

盡用文公禮築墳多鄰里助工郡屬畧同惟女喪或因

外族藉端耗擾往往戚好失歡因而成訟俗之澆敝此

亦一端

參各縣志新繪

禮親始死水漿不入口三日不舉火故鄰里爲之糜粥以

飲食之安俗送喪家粉湯亦猶行古之道也乃或饋及

豚蹄粉麩之屬是使人子因親死而恣口腹矣近則有

於訃帖中預却之者亦徵返俗之漸

據安遠縣志

地多山谷葬高受風則蟻生葬卑受溼則水至誠哉擇葬

之宜慎也然因是久暴其親安乎又以求福蔭之故數

改其葬甚至侵占相尋禍生訟獄死而有知當亦有隱

恫焉

參張志

龍邑各鄉堡皆設義塚他邑亦多有之得古人澤及枯骨

之意

參龍南縣志

諸邑大姓聚族而居族有祠祠有祭祭或以二分或以清明或以冬至長幼畢集親疎秩然反本追遠之意油然而生

採張志

其美而有弊者祭之有田是也有田則必有人以掌之掌

田之人或不公則訟興以仁孝之舉為爭訟之端是亦

設立祭田者所不及料也

採張志 新增

外神之祭非土庶所有郡城孟夏祭龍船神演劇彌月送

神儀飾尤盛計其費可敵中人百家之產

採張志 新增

顏子弟頗聰穎閒有一二從事干謁者必眾恥之故士多

鍵戶讀書畏謹自愛

顏縣志

顏州偏僻之鄉有家累鉅萬不延師課讀者有遺子弟從

師不知忠且敬於先生而轉望少年之倖獲科名者若

夫士為貧累早入膠庠輒廢攻苦不知貧者士之常昔

有人問沈近思總憲何者為救貧之法曰須讀書人以

為迂實則非迂也

新增

山邑地瘠而民拙所恃惟力耕近以沙淤失南畝之利故

失業者多失業者謂之浮口今之浮口患更甚於昔俗

之日非浮口為之也

採張志 新增

顏農皆山農也力作倍於平原雖隙地無曠其以茶梓為

業者則有鑿嶺摘子諸工勞苦尤甚朝夕果腹多包粟



薯芋或終歲不米炊習以爲常新

民不習技巧有大興作工匠皆來自外郡服器常需則土

人類能爲之適用而已新

郡邑列肆而居者皆遠鄉大賈土人業微業利微利以役

手足供口腹而已若行貨惟杉木一種尚有能運至他

省者餘則寥寥異鄉作客顧人絕少新

婦無蠶桑之職惟事績紉近頗有學紡織者以棉多取諸

他郡故未盛行欲勤婦工種棉其先務矣採張志

婦知辟纑而不能成布結履刺繡城中勤者爲之鄉之勤

者中饋井臼而外罕及鍼黹寺觀仙佛之會少艾鮮有

至者清明冬至或相從上墳舊志所云踏青靡青近無

此習採零都

各邑貧家婦及女僕多力作負水擔薪役男子之役舊志

引長寧道中詩云日暮女郎來打水長裙赤腳鬢堆鴉

紀實也參長寧縣志

凡米穀用斛用斗此間用桶用籬籠南或用碗算田以畝

爲則此以租糧爲則皆與他處異採張志

稱壽者必以十爲成數顧屬多取晉一謂之開秩昔人謂

前之十年必加一而後成後之十年必從一而生此大

易貞元之義採會昌

飲食近尚奢靡宴會備饌務豐美茶酒肆盛張於昔不惟  
耗費無度亦忘飲食必有訟之戒新

地險俗悍五方雜處染僑戶蠻蠻之習舊志云爾學使仁

和趙佑題試院楹聯云地是虎頭州端藉詩書銷武健

春生麟角館還資法律濟寬仁此語於今日尤切新

輿地志卷二十一

輿地志

物產

貢物

九龍茶出安遠九龍嶂雍正五年巡道王世繩取以包

貢後所產日少以古亭山茶足之統名九龍茶春貢

勃薺粉出會昌黃盆秋貢

藕粉出長寧鄆鄔堡秋貢

以上土貢

夏布出寧都春貢

銀麩 出寧都 秋貢

瑞墨 出瑞金 秋貢

蓮實 出廣昌 秋貢

蜜橘 出漳州 秋貢

以上辦貢

儲茶 出贛縣儲山曰大園儲茶初充貢後因產少采艱罷之

盤固茶 出會昌盤固山初充貢乾隆間罷易勃濟粉

以上舊貢

穀

贛氣候雜嶺南穀熟最早稻有早中晚三種早稻春種夏收中稻春種秋收晚稻於刈早稻後下種十月始收種雖有三實二收而已其氣候不齊之鄉再收不過菽芋之屬無晚稻也

杭屬 六月早 六月熟田家以之接新一名兩月早種及雨月而熟也一名分龍早一名芒花早

大葉早 亦名貓牙早七十餘日熟作上白米 大穀早 八十餘日熟 次大葉早 百日早

九十餘日熟 氣足最益人 白米早 紅梗早 廣東早 色 四川早

蒲形早 形如蒲 獨鬚早 首一穀 觀音黏 因閩人得自 占城故名 馬

尾黏 又名三百粒一花螺黏 米赤白 腰帶黏 赤者腰間 穗約結三百粒 相雜 微白白者

腰間微赤與花 麻禾 有早水遲水二 洽水白 八月 熟 螺黏俱出會昌 種宜種肥田 物產 落坑

烏色翻稻 即晚稻又名翻秈有赤白鐵腳撐 風雨不倒頓齊

禾 二種俱遲禾黏 旱禾 種高阜有

秈屬 早糯 有赤白二種三四月重陽糯 穀赤米白又名

大糯 又曰大冬糯形長色白 蝦子糯 穀米俱赤 紅米糯

立秋後收 翻稻糯 赤白二種 牛婆糯 多用作餅亦可入

釀酒甚佳 俱可釀 一名饒粘一名大禾穀甘芬柔滑

月粘 穀小米赤 香禾 不供釀蒸熟和槐水作餅別種

麥屬 大麥 俗呼穀麥 小麥 俗呼米麥二種俱皮厚少麩不及

苽麥 俗呼花麥白花紅莖秋 大冬麥 甘麥 苦麥 三種

菽屬 刈禾後田半種豆秋霖多則多實經霜乃枯十月

即收為種不一亦有早種先收者

黃豆 粒小 黑豆 有大小二種小 青豆 俗呼青皮豆大於

赤豆 亦名黃豆 四 綠豆 形小性涼解 田膳豆 與葛禾同

飯豆 形小色白 豇豆 形微 扁豆 俗呼眉豆色不 刀豆 畧

早 莢 雪豆 冬種 蠶豆 種收與雪 花螺豆 老胡豆 名黎豆

豆 春收 蠶豆 豆同時 花螺豆 老胡豆 又名狸

麻屬 白麻 取油 黑麻 即胡麻 赤麻 三者皆名脂麻非

粟屬 高粱粟 幹長 黃粟 即小粟俗稱狗尾粟 鴨踏粟 名

龍爪粟有 七葉粟 同七葉 珍珠粟 一名觀音粟 薏苡粟

早晚二種 作粥釀酒俱 佳又可入藥

菘 有二種莖圓厚而微青者為大菜莖扁薄而白者為白菜其葉皆青白菜榮於夏大菜經霜乃佳或以芥子即大菜之子因名大菜為芥菜非是芥菜別為一種乃生芥子者

韭 歲三四割根名韭黃莖名韭白花名韭青產雩都西門外者尤美薤似韭而大薤之別為藟俱異

芹 有水旱二種旱芹種必肥土不及水芹之美而芳馨過之

蘿蔔 一名萊菔有紅黃白三種常食多白者其紅黃二種出會昌黃盞者紅名狀元紅本長二尺最美黃名御

袍黃 初自外國番舶以齏盛歸齏音近故名冬月藏藤

菘 初夏插土生者為藤菘收子種者為子菘藤菘味尤佳其汁解野葛毒

葵 俗呼蕪菜葉似向日葵性冷味柔滑人謂滑腸草茄 紫色居多秋後食易損目

莧 有赤白紫三種馬齒莧別為一種芸薹 子可榨油又謂之油菜

葵 一名碧蓮葉青白色似白菜而葉較短

其菜 莖似蕨而青大過之葉如葵而小

芥藍 一名擘藍葉大於菘根大於芥臺苗大於白芥花

淡黃色三月花四月實

菠薐 一名菠菜又名波斯草味甘滑不宜常食

蕺 莖葉細瑣生衆草中地肥處有之

瓠 有大小二種小而長者讀音互可食不可作瓢短頸

大腹者爲壺腹圓而長柄者爲水瓠俱嫩可食老可作

瓢頭無苦瓠

瓜 西瓜頭產甚繁出梅林者佳冬瓜皮白如霜金瓜一

名南瓜種出南番俗呼番瓜絲瓜嫩可食老則絲絡如

織俗呼亂績可滌器苦瓜味苦清心越瓜種出越中

名梢瓜又名菜瓜黃瓜本名胡瓜避隋諱改今名一名

芳瓜生熟皆可食或謂卽月令王瓜誤土瓜非瓜也芋

芋之屬信會諸邑多有之龍南爲佳

芋 有水旱二種水芋苗高色微赤旱芋白

諸 一作蕷唐代宗名預避諱改爲薯宋英宗名曙又改

爲山藥有赤白二種大者重數斤其小而自生者蕷產

甚少

番薯 種出交趾用以充糧爲五穀之助亦可生食

筍 有苗竹筍斑竹筍莖竹筍甜筍苦筍其最美者曰冬

筍冬月於土中掘得之味勝春筍惟苗竹有之菱筍俗名禾筍葉似菖蒲八九月生非竹類

蕈菌

木生為蕈土生為菌蕈有香為香蕈無香為木耳菌生於夏至前後防麩毒不宜輕食

蕨

莖嫩可食土人取其根作粉

石耳

一名石芝生巖石頂

薑

初生嫩者其尖微紫謂之紫薑冬日取者為老薑

木

松

松性宜黃土頓墳赤黑產雖多而不盛惟出興國為良堅者可在棟梁理疎多油者僅供薪炊又一種枯葉

松身理疎少節俗呼杉松其實乃檜也

栢

有刺栢側栢二種陸佃云栢之指西猶針之指南側

栢尤一一西指栢從白得西方金氣陰木也

杉

爾雅曰被緇即杉也有赤白二種赤為香杉實而多油白為土杉虛而乾燥初植者其長較速伐去留根復

生曰次發三發亦可成材龍南人運售外省獲利最饒

樟

大者十圍高八九丈夷堅志云信豐水南瑞蔭亭前兩巨樟相去百餘步其高拂雲紹熙癸丑秋大水兩樟

之間為水洗露連理枝自東徂西長四十五丈枝下去

地丈許

榕 各邑皆有高踰十丈廣蔭數畝其根多至于百上下皆成連理蟠結土石宜植河濱以衛隄岸康熙甲戌信豐縣署古榕騰烟彌日不散連歲大旱為陽愆之兆

楓 大者合抱葉圓而歧作三角幹老有脂而香謂之香楓當秋杪經霜色赤如錦又謂之丹楓

柏 俗曰烏柏葉飼野蠶可作繭礮其子為油可作燭稍為貧民之利秋後葉丹黃色差與楓林爭勝

蠟樹 名女貞可取白蠟俗不諳其術其葉又可飼蠶絲色甚美樹身老而枯者截為香

瓏空樹 俗多取為樂器

養天竺 樹大有合圍者凌冬不凋

黃荆樹 勁有紋如蚘會之漢仙巖有一柯大數圍千年物也

果

橘 一名木奴

金橘 小如彈丸其色如金

柑 皮比橘色黃而稍厚且皺又有一種名金柑如梧桐子大產興國

佛手柑 其種來自閩廣指舒者為佛手拳曲者為佛拳 蕪產惟拳亦號佛手



蜜羅

形如佛手生綠熟黃肉白無子味甘

香櫞

一名拘櫞

柚

瓢有紅白二種本草謂之朱欒贛人亦呼爲橙

橙

似橘其葉左右有缺實小於柚而圓其美在皮

檀

一名木桃俗名山裏果有紅黃二種

梨

郡西城產者佳有以樟樹接生者

珍珠李

出興國竹壩葉茂實繁五月熟甘芳異別產

夏至桃

出興國者佳夏至前熟青紅味甘嚼之絕美

梅子

出信豐者佳

荔枝

以會昌黃全者爲最外紫裏白甘而多漿距地二

燒蘭甚難得賽蘭花細碎如珠串又名珍珠蘭一曰雞

爪蘭一曰碎蘭木蘭木本大者高八九尺花成穗似賽

蘭葉或三或五或七五葉者貴亦呼樹蘭風蘭莖葉皆

如石斛惟花似蘭蕊生向下倒捲而上又名倒蘭以小

筐懸當風處自生自開此蘭之尤異者

梅

花白者結實紅梅綠萼供玩而已張志云各種吳越

載至非地所產如其說則穀蔬之種來自外國者多矣

不旣爲土產矣乎紅梅龍南尤甚

蠟梅

有檀心磬口各種

茉莉

贛產最盛木本爲貴藤本次之單瓣者多香雙瓣

者爲洋茉莉又有重臺者名鬼子茉莉初來自粵今  
人亦多種之

蓮 一名菡萏分紅白二種有錦邊者有重臺者有並頭  
者有朝向日夜臥水者名睡蓮 又有瑞蓮花生雩都  
瑞蓮池有三萼二十四葉之異相傳爲雩山倒影所致  
移植他處則如常種

白蓮 生會昌盤固山白蓮池今無種  
木芙蓉 種不一有雙瓣者花心四出名鴛鴦芙蓉有一  
日三易色者名三醉芙蓉雩邑北門外李家池有雙瓣  
而兼三醉者嬌豔不減芍藥尤異種也

桂 以秋花爲正有四季花白秋花乃香此惟丹桂獨重  
香甚清烈

辛夷 一名木筆花會昌有二樹一在雁湖一在下蘆高  
數十丈花似梔子而大心有紅縷者聞十餘里

海棠 種甚多花蕊俱紅者名貼梗海棠澆以酒則愈麗  
又名醉海棠結實如木瓜者爲木瓜海棠色淡紅者爲  
西府海棠純白者爲白海棠不多見又秋海棠草本綠  
葉紫莖早秋始花

榴花 種出安石國亦有出新羅國者有單瓣千瓣者並  
有紅黃綠白及錦邊瑪瑙數種

菊 贛地暖百花皆早惟菊稍遲有十餘種開時多者每本至數十朶亦地氣使然

茶花 結胎最久冬月開花至次年二月謝瓣大心紅而色黃攢聚如珠者名寶珠瓣白者名白洋茶紅白半者名五色茶深紅單瓣者山茶

夾竹桃 花五瓣淡紅似桃葉青狹長似竹

夜來香 藤本日暮始花故名花似茉莉而稍大黃色五

瓣

杜鵑 花傳西蜀春時盛開重臺殷紅

梔子 花如白雪其香清遠

蘇籐 有黃白二種贛郡白者居多

玉蘭 一名迎春花

薔薇 一名刺紅花其色不一單瓣而白者香

玫瑰 郡城北最多

雪花 產贛縣其根如百合色綠冬日開花紅色

玉疊梅 藤本各邑皆有花白色

五輪花 藤本產贛之通天巖其花下輪翠色上有五小

輪又上有三鬚

六月雪 葉如虎刺開小白花

鳳仙 一名金鳳四月開花

雞冠 有纓絡鴛鴦為各種花最耐久

瑪瑛丹 卽錦堂春

長春 有深紅淺紅曉白晚紅純白五種終年吐豔

紫薇 俗名怕癢花四月開接續至八月爛漫耐久

草

芭蕉 大者高丈餘葉廣二尺許花似芙蓉倒垂但不常

開土人取其株煮刮成絲粉績以為蕉葛

美人蕉 與芭蕉相似而小萼似萱花子堅圓可為數珠

鳳尾蕉 一名麒麟蕉株似棕澗葉似鳳尾長數尺凌冬

不凋以能辟火又名辟火蕉將枯以鐵釘釘其根則復

生又名鐵蕉

萱 名忘憂又名宜男所在皆有烹而食之為鍼金菜與

國萬礫龍泓間不土而生瀑流傾注不少摧抑尤奇

龍鬚草 可織席細滑異常

翠雲草 雨後滋生其色可愛賴邑通天巖石壁下有之

竹

苗竹 幹之大者為苗竹其用最廣賴多以杉木苗竹為

業雌者葉較細密伐時留為種則來年易生

黃竹 節長尺許其本柔薄叢生聚密取以作器價甚廉

笙竹 色蒼而深質堅而漚

紫竹 色黑質堅大不拱把

匾竹 興國蓮花山五門洞有之俗傳謝肇幼時芻牧其地以指壓竹遂扁今其遺跡

方竹 各縣皆有龍南定南稍多興國靈山有方竹坑

斑竹 大者不過拱把以龍南為盛

箬竹 有莖葉無幹可供篷笠之用

藥

何首烏 蔓生有赤白二種小者如拳大者如器有重至數觔者

金銀花 一名忍冬一名左纏藤花黃白相半散熱解瘡

毒莖葉與花功用皆同

菖蒲 生石上者曰石菖蒲葉有脊如劍一寸九節者良

水生者曰水菖蒲又名溪蓀

五加皮 以五葉交加得名療風溼痿痺煮石經云五加

皮又名金鹽

益母草 功宜婦人故有益母之稱其子名茺蔚莖葉如

艾節節生穗

旱蓮 一名鱧腸生溼地有二種一種苗如旋覆而花白

細者是鱧腸一種花黃紫而結房如蓮者乃小蓮翹也

骨碎補 寄生木石上根似薑而細長生折傷補骨碎

金毛狗脊 苗似貫衆根長多歧狀如狗脊而外有黃毛  
用其毛以療金瘡甚效采根細剉酒蒸別入補劑

菝葜 葉似蒼耳生下溼地張詠表進菝葜丸卽此

土茯苓 蔓生如蓴有赤白二種爲瘡科藥安遠志云俗  
呼爲硬飯團舊志引本草載禹餘糧卽此按禹餘糧石  
類爲膏腸之品與土茯苓大異或方書有歧抑古今異  
名耶二者並行而不同

金櫻子 叢生郊野類薔薇有刺花紅白實黃蘇頌謂江  
西嶺北生者爲勝此品性主收膏當及其色青未黃時  
采之若經霜紅熟則味甜而失本性矣

石斛 生石上短股中實如金釵者名金釵石斛興國產  
者良

黃精 晒製略似地黃味甜久服輕身不飢

夏枯草 秉純陽氣夏至後卽枯爲治療癭要藥

大小薊 兩薊相似其花如髻大薊一名虎薊小薊一名  
貓薊皆主破血大薊煎根爲膏療癰腫尤效

香薷 方莖細葉香烈逼人性辛散夏月解表之藥

艾 性純陽土艾與蘼艾同功並以老者爲良

桑寄生 纍纍高樹中望如鳥巢隆冬木落時寄生獨茂  
香附 卽莎草根有鬚鬚下結子轉相延生

梳子 根名地骨艾之有生精明目之功

厚朴 生安遠深山中遊人屐齒所不到初未有物色之

者嘉慶己巳有客詭言香樹入山采盡獨獲厚利今所

遺者僅萌蘖耳

羊躑躅 其根卽天門冬

黃連 舊傳雩都黃連山出黃連

血竭 樹高數丈葉似櫻桃而有三角其脂可用入藥形

如乾血故曰血竭亦卽麒麟竭本草詳木部長寧志載  
入蔬類誤

白頭翁 山谷田野處處有之可治熱毒血痢

禽

白鵝 卽白雉素質黑章丹椽棲樹則雄上雌下文而有  
禮山中居人有得其卵以雞伏而長之者此不常有

鷓鴣 一名越客古詩越鳥巢南枝指此兩則自下鳴上  
晴則自上鳴下山中人常以其鳴驗晴雨

竹雞 鳴則天雨其聲云天作怪畜之可治白蟻

畫眉 雄雌相調其音百轉吳下喜其音閩廣取其門額  
俗兼之

鳩鳩 穀雨後鳴卽布穀也其聲曰阿公阿婆割麥插禾  
穀麥少則諧其聲曰穀公穀婆早早蒔禾鄉俗名爲催

耕鳥

鵲 陽鳥先物而動先事而應家有喜則豫鳴俗謂之靈鵲報喜

鸚鵡 似鳩而有憤色黑以光兩翼各有白翅端午翦其支舌能學人語

黃鸝 卽黃鶯又名黃栗留

鷺鷥 一名屬玉又名帶絲禽

山鳳凰 卽長尾燕也尾長身小紅黃相間

鳧 野鴨也俗呼爲水鴨

文雀 產雩都色黃形大如丸尾長五六尺

鸚鵡 色深黑名水老鴉不卵而孕吐生安遠人畜以取魚

翡翠 卽鸚鵡也雄曰翡雌曰翠狀如鳩鵲而色碧鮮縹可愛

鴿 羽毛有青白阜斑數色

鷓鴣 產龍南歸美山形色鮮潔自愛毛羽雄雌並棲其失匹者鑑水每悲鳴自絕

白面雞 產龍南首尾色黑面腹白色

潮雞 諸邑雞鳴於丑而顛之雞至亥卽鳴按李贊皇有三更津吏報潮雞之句余武谿亦曰客聽潮雞鳴早夜



自注云番禺之雞三更卽鳴嶺近嶺南物性亦相似

鷺 有灰白二色

鴨 本名鷺一名家鳧

獸

嶺巨人 卽狒狒山海經謂嶺以產此得名今惟安遠三

伯山常有之獵者禱山神置毒酒設機於路物來飲中  
毒羅機倒地不能起遂爲人所得長者八九尺善走人  
鳴鉦逐之一晝夜可越數縣地但無膝能前却而不能  
左右行故得之亦易

麂 嶺有麂山麂灘以地多產麂故名

狐 有黑白黃三種嶺獨有黃者地少霜雪多荆棘故皮  
粗毛淺而色不純

狸 有黑白錢文相間者曰九節狸面白者曰玉面狸爲  
充庖上品好食果者曰果子狸家貓好食雞雀入林化  
爲狸曰貓狸

兔 一生二子者曰兔生數子者曰碩鼠亦兔屬此家畜  
非山中之狡兔也

豪猪 毫間有豪如箭白本而黑端能激以射人成羣害  
稼山中人尤惡之野猪別一種膚革堅厚如重甲牙稍  
最利獵者用烏鎗始能獲迎虎食田豕正指此也

獼 似狐而小水獼青黑色旱獼灰色能豫知水潦度水所不至為定嘗入水取魚食之其皮可為領袖

羊 興產皆山羊重不過三四十觔

猴 興國靈山尤多

鱗

鮠 卽鰱也俗名草魚頓河淺流急大魚不能容池塘中

惟取九江魚苗畜之以為時饌鮠其上品也

鯉 卽詩之鯉性急失水易赤與魴同

鱧 細鱗似鯉而頭大其美在頭

鯉 有青赤二色赤者遇雷雨能飛

鰕 魚之小者俗名塘魚卽鮒魚也一種身厚而圓名荷

包鰕尤美興國為多春月取之

鰕 味美於鮠鯉

鮎 身長無鱗

儲魚 出儲潭無鱗似鮎味肥美

五色鯉 出信豐穀池內十道志言南康出五色鯉卽此

膏魚 出會昌白埠山塘塘有溫泉魚肥美如膏

南風魚 卽詩所咏鯊也出會昌湘洪春至冬去

龍頭魚 以龍南龍頭灘得名形類小魴長二三寸冬月

乃盛每溯流而上漁人以笱承於石罅上翕下闕魚爭

人其中風味最佳

鰻 出潁邑儲潭

介

鱧 似鯉而四足鱗甚堅利力能穿山又名穿山甲異

物志云鱧鯉吐舌螻蟻附之因而吞之其甲入藥祛風

為外科要藥

團魚 鼈之小者卵生形圓四周有裙其殼入藥名鼈甲

蟲

田父 俗呼田雞其皮青黃色背腹有黑斑爪前四後五

多產田隴

石蛤 生於石壑溪澗中皮上黑腹下白口巨腹大後股

長其聲嘖嘖然其性亦狡昂其腹於石上作死狀鳥見

啄之前足合抱擒入水底鄉人捕法夜持火炬眼見光

即迷浮水者以蘋苗輕擊水面彼疑為蛇而攫抱即以

縷箕網之

蠶蛾 初長飼以相葉而成繭絲盡乃化蝶

蜜蠶 采花心以釀蜜

促織 賴氣候溫伏蟄多先期而出然不過兩月之殊獨

蟋蟀則春秋反常每春二三月即鳴歷夏秋漸與寒蟬

結舌矣

食貨

茶 儲山九龍山盤固山所產皆著名古亨山茶視龍巖稍遜今亦不多產

酒 贛俗不釀燒酒止以糯米爲酒四時所釀味薄者曰時酒釀之冬月爲日久而水少味極厚者曰老酒老酒雩都最勝既沸之而封其糟復下水以沸者曰陳糟酒冬至前後以麴下米俟米盡化液入以燒酒不用水者曰蜜酒甘香味醇興國好以水酒爲水加釀至三四酸藏至五六年黏如膠甘如飴此得古人酸酒之法會昌有竹葉春以酒釀六升燒酒四升和而以火煉之藏之

一年味醇而色清又有琥珀薄以冬糟入甕至春三月開甕取糟榨出液名曰甕酒以甕酒五升燒酒五升和而以火煉之藏久愈佳諸名酒不及也燒酒卽以既沸之糟蒸之置盎於甕承取其氣液之升而復下者曰米燒贛人釀酒熟後亦爲之

茶油 茶子樹木堅而葉厚青翠茂密凌冬不凋與茗莖異種十一月開花瓣白心黃花謝始結含苞孕實將一週期拾其子剖仁榨油色味香潔名曰清油以入食饌諸油皆不及此惟贛產最饒故利行數省

餠 以蔗汁熬成白者如霜其紅者爲紫砂餠贛人向惟

龍爲紅者今亦得造白糖之法但視粵糖少遜

醬油 春末夏初用大黑豆蒸曬再以鹽水浸豆久曬出

味然後去豆取汁熬爲油製造如法則色黑味甘經久

不壞最爲佐饌佳品此惟雩都所出最上諸邑不及

紅麴 釀酒用米麥二麴穎獨以麴入肉飾色爲紅亦紅

箋紅燭取彩色意也法用白米作飯雜麴母和入蒸窖

卽變爲純紅直透米心此殆易於染彩矣

珍珠粉 取晚稻米最佳者磨細去滓留其精液稍經日

暴爲粉篩成珠顆和羹入饌甘滑異常出興國者佳粉

乾亦興產最勝

藕粉 出長寧鄆鄆堡者佳

龍豬 豬以龍南縣得名豕子始生屏芻菽啗以米粉逾

月而屠之去臙縹軀脂如團扇鹽壓桶盛啓閉有候自

縣而郡以達省會長貳尊卑交相進奉也殘畜命而厲

民莫甚於此知縣鄧元貞有禁革龍豬碑

腐乳 雩都產者鮮

瓜子 信邑有雪瓢瓜出紅瓜子

葛 各邑皆有葛布惟會昌更佳葛有采之野者有家園

種者布用純葛則韌而耐久沾汗不汚安遠以湖絲配

入謂之絲葛經緯最細亦佳或雜以蕉絲謂之蕉葛則

脆薄不堪大要人工辟績諸邑不如會昌之精

苧 山產者爾雅所謂薛山麻也園種者棗麻也今遍謂之苧麻園種培灌夙根歲可三刈四五月刈者曰頭水苧次發三發以次而減女績爲縷別有機工織之造布極精

繭 信安長諸邑有繭細繭蛾生樹上旣成包以灰水煮柔其性縑絲織成正飼烏柏葉者色稍黑飼蠟樹葉者色美選其細緊精緻可與程鄉繭匹安遠又出綿紬絲來自湖州非本地所產

棉布 龍定二邑多織木棉布棉爲本地所產不甚廣

澱 俗作釐用藍葉所成大藍葉如蒿苣而肥厚微白今爲澱者多是小藍高一二尺許葉細而密以葉漬汁和石灰澄瀝成澱用以染縑瀝澱時掙出浮沫爲澱花陰乾卽青黛也耕山者種藍頗獲其利

漆 贛漆閩種也土人墾荒種之葉類椿樗五六月間葉端苞而不落卽孕漆矣斧斫根節間承以蠃蚌夜垂乳如豆向曉而闕越三宿而取一周太數則乳不吐至九月乃止土美者二十年一易其地品在廣漆之上

棕 名櫻欄葉大如車輪萃於樹杪有皮重疊裹之其皮可爲繩爲蓑爲笠其用甚廣

菸 一名淡巴菘種出日本始入中國初盛於閩贛於閩接壤由是種者日多

桐油 樹枝葉俱似梧桐而不甚高二三月開花如雪至冬收其子以榨油膠黏清亮可入漆亦可造紙

鉛錫 宋世產錫有九場贛有其一康熙甲申商民蕭宗章呈請開採南原山鉛錫護理巡撫徐欉以山僻民少恐易生奸宄疏請禁止

砒 贛產砒不載冊籍郡北五十里曰黃龍埠者有砒穴土人嘗採之康熙四十年以後不開者數載壬辰夏復啓之入穴而斃者前後四人典史柳田來奉攝令之命

以往使人探穴復中毒而斃俟毒盡乃然火燭之見初啓之窺四尸在焉後無敢復探者

石炭 卽煤也各邑皆有贛之儲山亦產

紅石 與國各處多有惟產瀧下水者最佳丹厓爛然贛諸邑暨吉臨數郡垣堞階礎柱表碑碣無不賴其用質脆易泐以價廉故爭購之白石亦產興邑梅窖

旱晶石 出長邑項山形如水晶下厚上歧六稜萃簇狀如排齒又有石名瓜皮凍色青綠可爲印章

鐵 產興國之寶城衣錦鄉長寧之八付南橋二堡谿內及屏風山等處其廠或設或罷利少而害多宜有司之

隨時禁革也

爆竹 出信豐龍南者甲於諸邑

船 三板賴江船名也大小不一九篷至三篷而止篷卽

吳船之艙其出安遠者名梭子船止容一二人出信豐

者名沙爬子取其輕捷以水淺爬沙得名餘各邑有船

皆以其邑爲號無別名

蒹 草自閩漳流傳贛人種之爲業織蓆青翠鮮潔會昌

所出尤堅緻耐久

木 贛產杉木故木材最多江省各郡多取於此

竹 贛屬椅桌箱篋多以竹爲之郡人藉以爲業列肆皆

是

皮 多仿粵東製堅韌而軟竹木皆不及

紙 出興國竹管洞等處潔白細嫩者曰竹紙白而長大

者曰連四紙質韌而色黯者曰棉紙



贛州府志卷二十一

輿地志

祥異

晉太元八年癸未南康大水平地五尺  
十八年癸巳夏六月南康大水深五尺

二十一年丙申春正月木連理生虔化縣社後

義熙八年壬子自正月至四月南康郡地四震

南宋元嘉二十二年乙酉白虎見贛縣郡相劉興祖以獻

齊建元四年壬戌白虎見虔化縣

梁大寶元年庚午夏五月水暴起數丈三百里灘石皆沒

陳大建七年乙未冬十二月南康獻瑞鐘  
唐元和七年壬辰虔州暴水平地深四尺

大中元年丁卯虔州獲六眼龜一夕而沒  
宋大中祥符八年乙卯寧都金精山石崖產瑞草松枝生  
瑞花知縣邢芳繪以獻

政和元年辛卯虔州芝草生

紹興十四年甲子虔州民毀欵屋拆柱木中有文曰天下

太平守臣辭弼上之

乾道九年癸巳秋贛州螟

嘉定十五年壬午秋贛州螟

元至治元年辛酉贛州霖雨潦蝗相繼

明洪武六年癸丑冬十月州人呂氏手植白牡丹於庭冰

雪中盛開狀若玉盤盃

正統五年庚申歲大禳

成化四年戊子寧都三江水合

嘉靖十三年甲午水

二十五年丙午秋七月瑞金學泮池內產二蟾蜍色白如

玉

三十五年丙辰夏四月大水灌城七日而水再至視前加

三尺漂沒溺死無算

三十九年庚申冬十二月郡城大雪樹木冰彌月不解

四十四年乙丑安遠縣虎晝出噬人

萬曆元年癸酉秋七月郡城民家井中醴泉出三日乃竭

五年丁丑九十月間大熱桃李皆花筍拔地數尺人死於

疫者無算

十年壬午郡治火燄三日未合

二十九年辛丑春正月郡城黑晝見禳之乃息

四十一年癸丑冬寧都地震有聲

四十二年甲寅歲大飢民餓人呂其手斷曰於代飲飲水

四十四年丙辰夏五月霖雨不止蛟蜃並出一夜水高數

丈廬舍田禾皆沒居民溺死無算寧都信豐亦如之

四十六年戊午秋大暑民病疫癘死者相枕籍冬桃李實

以上  
謝志

天啟四年甲子夏大水秋旱

六年丙寅秋大疫

崇禎十三年庚辰秋八月龍南水

十四年辛巳秋七月信豐地震冬十一月復震

十五年壬午郡城火冬十月地震

十六年癸未大水冬十二月會昌雨血

十七年甲申饑秋七月會昌大黃沙崩裂水湧出居民溺

死無算

國朝順治三年丙戌郡城饑夏五月信豐兩雹龍南亦如之

四年丁亥春大水秋饑冬十一月地震

五年戊子春夏顛州大饑

六年己丑安遠饑

七年庚寅冬十一月定南地震十二月信豐亦如之

八年辛卯春正月會昌地震

九年壬辰興國饑

十二年乙未信豐虎晝出傷人直入城市

十三年丙申長寧大有年

十四年丁酉旱信豐自三月至八月不雨川源皆涸

十八年辛丑春正月信豐暴風折木壞屋夏五月大雨雹

六月駝背山裂

康熙元年壬寅郡城祥雲見

四年乙巳彗星見

七年戊申春二月彗星見於西南隅

十年辛亥秋七月癸亥守斗七日始退

十一年壬子會昌大雨雹

十二年甲寅興國火焚死者一百三十七人

十六年丁巳春二月龍南大雨雹夏六月興國大水圮城  
百餘丈壞田廬

十七年戊午興國會昌饑

十八年己未大水漂沒田廬人畜無算夏五月水復漲溢

十九年庚申龍南大雨雹定南旱安遠山水暴漲漂沒田

廬人畜信豐連歲稔

二十年辛酉安遠大水漂沒田廬人畜無算十二月地震

有聲興國長寧皆大水

二十一年壬戌會昌暴雨如注江水溢夏六月興國旱秋

九月瑞金甘露降

二十六年丁卯郡城淫雨大水灌城夏大旱

二十八年己巳閏三月雨冰大風折木秋八月興國地震

二十九年庚午春二月雩都大風雨雹

三十三年甲戌會昌饑龍南水民大饑安遠亦如之

二十四年乙亥冬雩都火

三十六年丁亥雩都會昌龍南信豐瑞金石城皆大饑

四十年辛巳四月朔會昌有星隨日行占曰水駕星主水

六月果大水

夏六月會昌水城圮於水者十餘丈諸鄉廬舍漂沒無

算步雲橋崩

四十一年癸未郡屬大旱夏五月會昌地震七月雩都天  
雨黑粟

四十三年甲申郡邑大饑道殣相望夏五月淫雨不止大  
水灌城瀨江田廬漂沒無算雩都興國城有圯於水者  
會昌饑

四十四年乙酉夏六月信豐地震秋大有年

四十六年丁亥冬十一月雩都地震

四十九年庚寅興國瑞芝生

五十二年癸巳夏四月贛州雩都信豐會昌安遠皆水

五十九年庚子夏五月龍南水城圯

六十年辛丑信豐龍南旱

六十一年壬寅會昌池蓮一莖三花秋龍南大有年

雍正元年癸卯春正月紫霧起於會昌夏六月長寧白燕

至羣燕隨之

四年丙午春正月長寧地震夏安遠旱秋七月龍南水

七年己酉春正月安遠大雪平地五尺秋大有年

八年庚戌安遠大雨雹春夏龍南旱民飢秋八月興國雨

赤豆

九年辛亥興國長寧大有年

乾隆元年丙辰會昌學宮泮池產瑞芝二本

二年丁巳秋七月會昌水八月安遠白燕至冬十一月贛縣大雷電以雨

四年己未秋長寧大有年

七年壬戌夏五月龍南饑六月興國水城圯廬舍皆壞

八年癸亥春三月贛縣大霜池有冰三月晦晝暝烈風拔木折屋大雷雨雹是日學使試寧都石城考棚塌壓死與試者百餘人

九年甲子夏四月安遠大雨水暴漲民廬有沒於水者五月信豐水秋長寧大有年

十年乙丑夏四月安遠水

十一年丙寅春會昌旱夏雩都自五月至七月不雨

十二年丁卯雩都旱

十三年戊辰會昌疫

十四年己巳會昌旱

十五年庚午秋七月大雨江水泛溢郡城可通舟楫雩都亦水冬十二月信豐大雷電兩雹

十九年甲戌贛縣棉布街章氏廬紫荊樹連理

二十一年丙子夏四月興國水

二十四年己卯夏四月贛郡疫

二十六年辛巳府屬大有年夏四月興國大雨江水泛溢

漂沒田廬

三十一年丙戌大有年

三十四年己丑春安遠饑

三十九年甲午大有年夏五月雩都水

四十二年丁酉夏四月安遠大雷雨衝塌廬舍信豐水以上

寶志

五十一年丙午雩都自四月至七月不雨信豐旱大疫會

昌安遠龍南亦旱參各縣志

五十二年丁未龍南饑郡城道署火參龍南贛縣志

五十四年己酉信豐饑信豐志

五十九年甲寅長寧饑定南螟參長寧定南志

六十年乙卯信豐饑信豐志

嘉慶元年丙辰信豐龍南大有年參信豐龍南志

二年丁巳春興國水龍南亦如之秋興國火參興國龍南志

三年戊午安遠饑安遠志

五年庚申郡城水雩都興國會昌皆大水參各縣志

七年壬戌冬十一月雩都地震雩都志

八年癸亥信豐火信豐志

九年甲子信豐龍南定南皆大水參各縣志

十年乙丑龍南饑龍南志



十一年丙寅冬信豐地震

信豐志

十五年庚午冬十一月龍南火

龍南志

十六年辛未彗星見於會昌定南之野

參會昌定南志

十七年壬申贛州信豐皆水

參贛縣信豐志

二十年乙亥春二月長寧天雨粟夏六月大雨雹

長寧志

二十一年丙子興國旱

興國志

二十四年己卯閏四月龍南江水暴漲漂沒民居夏五月

會昌大雨雹冬信豐桃李華

參各縣志

二十五年庚辰雩都信豐會昌龍南皆旱大疫

參各縣志

道光元年辛巳信豐龍南長寧定南大有年

參各縣志

二年壬午春正月會昌地震

會昌志

三年癸未秋信豐大有年冬十月郡城瑞雪盈尺

參信豐志新

十年庚寅郡城督學考院火

新

十一年辛卯信豐大饑明年亦如之

新

十二年壬辰信豐大風雨雹壞垣屋傷人及畜

新

十三年癸巳夏五月贛縣大水

新

二十七年丁未道署鏡園玉蘭樹成連理枝

新

二十子平丁未歲春發國王爾德刻板對法

十三子平癸卯夏五月轉錄大水

十一子平壬辰計豐大風而雲賦賦呈命人又奇

十子平辛卯計豐大風而雲賦賦呈命人又奇

九子平庚寅計豐大風而雲賦賦呈命人又奇

八子平癸未計豐大風而雲賦賦呈命人又奇

七子平壬午計豐大風而雲賦賦呈命人又奇

贛州府志卷二十三

經政志

唐詔天下郡縣立學而學興焉贛州文教始盛於宋

其地則濂溪明道伊川龜山文山陽明文正諸公轍

迹之所到涵濡於教澤者深故咸知自奮彬彬焉濟

濟焉所謂得天地陽氣之仁者可以理義動也

聖朝養士厚恩有加無已多士隸名庠序宜何如砥

礪束修以仰答

昇平之雅化哉

學校

贛州府

府學在瓦市街古之紫極觀也宋祥符中詔改紫極觀為

祥符宮學遂廢

舊志

慶厯間創建於澄清坊治平元年提

刑蔡挺知軍元積中徙於豐樂寺王安石記紹興中火

州守趙善繼修張九成記元初燬於兵元貞二年分省

左丞董士選重建至元間右丞賈鹿泉修至正三年達

魯花赤古篤魯丁重新之

通志

至正十八年又火

舊志

明吳

元年參贊贛衛中書右司郎中張民瞻知縣崔天錫陳

益民再建永樂間知府王燧張珂重修宣德間僉事王

繼知府陸演同修景泰間知府仇鎮彭英張瓚相繼修

葺成化四年知府曹凱并縣學改建於景德寺彭時記

嗣後巡撫金澤知府邢珣共新之嘉靖元年尊經閣圯

知府羅輅重修四十一年巡撫陸穩從諸生請改遷於

紫極觀羅洪先記萬曆十八年知府黃克纘重修張位

記後燬

國朝順治十七年巡撫蘇宏祖重修

通志

康熙元年蘇宏祖

捐金創建啟聖祠並王文成公祠自為記

舊志

十二年漸

就傾圯巡道姚啟盛又修之

通志

二十一年知府張顯仁

修自為記

舊志

三十九年知府謝錫袞重修五十五年知

府黃汝銓捐修雍正九年知府魯之裕重修

通志

乾隆十

二年知府姚孔鉉撤新之未竣知府劉堯裔繼其事十七年知府姚文光始葺功自爲記舊志四十九年知縣劉壇修葺嘉慶二十四年巡道汪全德知府王澤李光先知縣杜宏泰王維屏相繼倡修王澤記周步驤亦有記

新增

府學宮牆內大成坊左禮門右義路坊以內爲泮池池有橋左右側又有門東曰德配天地通土地祠西曰道冠古今通王文成祠又進爲大成門左名宦祠右鄉賢祠又進爲東廡西廡樂器庫祭器庫階之上爲墀進爲大成殿又進爲崇聖殿左爲存誠堂右爲主敬堂宮牆環焉魁星閣峙其西在文成祠後其東則文昌閣朔望宣講

聖諭集於此右卽土地祠左爲學科房前爲儒學頭門後爲明倫堂又進爲尊經閣由頭門內折而東爲訓導署又東爲教授署舊制崇聖祠在大成殿右隅土地祠後有陽明書院及講堂又頭門內爲儀門及東西兩角門教授署在明倫堂後舊志稱國初曾爲府署康熙時知府萬文麟建內堂於此卽其地訓導署在儀門東署後有四賢祠祠之後則文昌閣今皆改易矣

參舊志  
新纂

大成殿左南向有碑一額篆皇明御贊四字明字蝕其半

文漫漶可辨識者德配天地道冠古今刪述六經垂憲萬世十六字及旁刻歲次字季冬月字又兩楹間鐵鼎一有銘首三行中憲大夫贛州府知府謝錫袞建十三字第四行鑪銘二字第五行以下每行四字聖廟維新寶鼎具設丹篆深洄左旋右折紫氣氤氳綿茲道脉三沐三薰神其來格三十二字後二行康熙三十九年庚辰季秋月吉旦十三字末四行督工贛州府儒學教授劉風灝訓導張仲友照磨戚嘉燦二十二字皆陽文又大殿有鐘一鑄凡七十五字首二行贛州府知府謝錫袞捐貲鼎建十二字第三行鐘銘二字第四行以下每行八字樂名大成金聲玉振金以始之衆音聽命大叩則鳴小叩亦應先覺後覺人文鼎盛三十二字又三行督工儒學教授劉風灝訓導張仲友照磨戚嘉燦十九字末兩行康熙三十九年歲庚辰季冬月吉旦十四字贛鮮金石故附錄之

漢高祖過魯以太牢祀孔子平帝追謚孔子褒成宣尼公光武始建大學明帝始幸辟雍章帝東巡作六代之樂和帝更謚爲褒尊侯靈帝繪孔子及七十二弟子像兩漢致祭皆於闕里曹魏正始開始命太常於辟雍行釋奠禮東晉成帝始親釋奠劉宋元嘉中牲牢祭器悉用

上公禮樂設軒縣舞用六佾元魏改謚孔子爲文聖尼  
父始詔立宣尼廟勅有司享薦北齊文帝制春秋二仲  
及每月朔行禮後周封孔子鄒國公隋文帝贈孔子先  
師尼父詔州縣學以春秋二仲上丁日釋奠此稱先師  
行丁祭之始唐太宗升孔子爲先聖詔州縣皆立廟元  
宗追封孔子文宣王設塑像南向坐宋太祖詔祀文宣  
王立十六戟於廟門眞宗增謚元聖復改至聖徽宗增  
立二十四戟如王者制御書大成殿名於辟雍高宗詔  
祭孔子稱大祀釋奠止輦大成門外入廟步行元世祖  
詔春秋二丁執事者穿公服自此丁祭皆用朝服成宗

大德十一年制加孔子曰大成遂定廟號明太祖四年  
更定祭器品物犢一羊一豕一鹿首一籩豆各十登一  
俎一簋簋各二酒罇三爵三用登歌堂上堂下之樂舞  
用六佾十五年大學成去塑像設木主十七年敕郡縣  
每月朔望詣學行香二十六年頒大成樂器於天下各  
如式製造嘉靖九年用張璁議改大成至聖文宣王爲  
至聖先師孔子始詔天下盡去塑像設立木主

國朝順治二年乙酉加謚大成至聖文宣先師孔子十四  
年丁酉仍改謚至聖先師孔子康熙二十六年丁卯直  
省各學舞用六佾樂舞生各八十六人雍正二年甲辰

頒樂器祭器圖式三年乙巳避聖諱加乃作邱五年丁未至聖誕辰八月二十七日直省各官致齋一日乾隆二年丁巳國子監聖廟改用黃瓦頒樂器又頒祭器悉仿古制一體更正五年庚申增直省樂舞生共一百二十八人丁祭俱用藍衫雀頂八年癸亥頒樂章祭文於

直省

據歷代史鑑 大清會典闕里志纂輯

漢明帝東巡至魯祀孔子及七十二弟子曹魏文帝祀孔子以顏回配晉宋梁陳及隋皆以孔子為先聖顏回為先師唐太宗復以顏回配左邱明以下二十二人並令配享高宗始以曾參與顏回並配元宗為塑像詔顏回

曾參與顏回並配元宗為塑像詔顏回

曾參與顏回並配元宗始以曾參與顏回並配元宗為塑像詔顏回  
 雄韓愈二人從祀理宗淳祐元年詔加周敦頤張載程顥程頤封爵與朱熹並從祀孔子廟庭理宗景定二年加張栻呂祖謙二人並從祀度宗咸淳三年以顏回曾參孔伋孟軻並配孔廟四配遂定又升顓孫師於十哲列邵雍司馬光從祀元仁宗以許衡從祀孔子廟文宗加封顏回為兗國復聖公會參邾國宗聖公孔伋沂國述聖公孟軻邾國亞聖公是年冬進祀董仲舒明洪武二十九年黜楊雄英宗正統二年以胡安國蔡沈真德秀吳澄從祀孝宗宏治八年始以楊時從祀世宗嘉靖

九年考正祀典定四祀爲復聖顏子宗聖曾子述聖子思子亞聖孟子十哲閔損冉耕冉雍宰予端木賜冉求仲由言偃卜商顓孫師東西兩廡祀澹臺滅明以下六十二人稱先賢左邱明以下二十二二人稱先儒去重祀者一人申黨卽申儀又罷公伯寮秦冉顏何荀况戴聖劉向賈逵馬融何休王肅王弼杜預吳澄十三人增祀后蒼王通歐陽修胡瑗陸九淵五人而以蘧瑗林放鄭衆盧植鄭康成伏虔范甯七人各祀於其鄉穆宗隆慶五年以薛瑄從祀神宗萬曆間以羅從彥李侗王守仁胡居仁陳獻章從祀

國朝康熙五十一年壬辰升朱子於十哲位東哲卜子之下五十四年乙未以范仲淹從祀雍正二年甲辰復祀蘧瑗林放秦冉顏何鄭康成范甯六人增祀縣尊牧皮樂正克公都子萬章公孫丑諸葛亮尹焯魏了翁黃幹陳淳何基王柏趙復金履祥許謙陳澔羅欽順蔡清陸隴其共二十人乾隆二年丁巳復吳澄從祀三年戊午升有子於十哲移朱子於西哲顓孫子之下東哲卜子下位有子採吉安府志道光三年以劉宗周從祀四年以湯斌從祀五年以黃道周從祀六年以陸贄呂坤從祀八年以孫奇逢從祀二十一年以文天祥從祀



東配復聖顏子述聖子思子西配宗聖曾子亞聖孟子  
東哲閔子損冉子雍端木子賜仲子由卜子商有子若  
西哲冉子耕宰子予冉子求言子偃顓孫子師朱子熹  
東廡先賢蘧瑗澹臺滅明原憲南宮适商瞿漆雕開司馬  
耕梁鱸冉孺伯虔冉季漆雕徒父漆雕哆公西赤任不  
齊公良孺公肩定鄒單罕父黑榮旂左人郢鄭國原亢  
廉潔叔仲會公西輿如邾巽陳亢琴張步叔乘秦非顏  
噲顏何縣亶樂正克萬章周敦頤程顥邵雍

東廡先儒公羊高伏勝董仲舒后蒼杜子春諸葛亮王通  
陸贄范仲淹歐陽修楊時羅從彥李侗呂祖謙蔡沈陳  
淳魏了翁王柏趙復許謙吳澄胡居仁王守仁羅欽順  
劉宗周湯斌

西廡先賢林放宓不齊公冶長皙哀高柴樊須商澤巫馬  
施顏辛曹卹公孫龍秦商顏高壤駟赤石作蜀公夏首  
后處奚容蒧顏祖句井疆秦祖縣成公祖句茲燕伋樂  
欬狄黑孔忠公西藏顏之僕施之常申棖左邱明秦冉  
牧皮公都子公孫丑張載程頤

西廡先儒穀梁赤高堂生孔安國毛萇鄭康成范甯韓愈  
胡瑗司馬光君焯胡安國張栻陸九淵黃幹真德秀何  
基文天祥陳浩金履祥許衡薛瑄陳獻章蔡清呂坤孫

奇逢黃道周陸隴其文廟從祀考

崇聖祠明正德前失考嘉靖間遷學今所始建祠大成殿

右

國朝康熙元年顛撫蘇宏祖重建舊志嘉慶二十四年移建

殿後新增

宋祥符二年始封聖考為齊國公元至順元年加封啟聖

王明嘉靖九年改封啟聖公十年別建啟聖祠春秋祭

祀以顏無繇曾點孔鯉孟孫激左右配享俱稱先賢以

程珦朱松蔡元定兩廡從祀俱稱先儒二十二年以先

儒周輔成從祀

國朝雍正元年改啟聖祠為崇聖祠追封孔子以上五代

並為王爵二年以先儒張迪從祀定神牌位次乾隆二

年崇聖祠改用絳瓦祭用少牢正位五壇四配東西各

一壇兩廡五位東西各一壇十年定期朔望行香禮十八

年定每歲春秋二仲月上丁正祀之先四鼓致祭俱同

正祀儀

正位肇聖王木金父公裕聖王祈父公詒聖王防叔公昌

聖王伯夏公啟聖王叔梁公

東配先賢顏氏路孔氏鯉西配先賢曾氏點孟孫氏激

東廡先儒周輔成程珦蔡元定西廡先儒張迪朱松

名宦祠祀四十六人

唐刺史張署李渤宋州守余良肱陳從易余靖趙抃劉  
彝李大有李耕趙善繼洪邁雷正陳孔碩張忠恕文天  
祥通判楊澈程戡周敦頤雷孚知興國縣事程珣元達  
魯花赤古篤魯丁總管全普庵撒里判官王榮忠明江  
西巡撫李昂顛撫王守仁聶賢張岳錢桓兵備副使王  
度知府陳大本邢珣葉夢熊同知王廷珪興國知縣海

瑞

國朝顛撫劉武元佟國器蘇宏祖嶺北道嚴正矩湯斌知

府郎永清舊志今增祀總鎮姚自強巡道白啟明智學高

璜巡撫白璜哲爾肯郎廷佐

本仁案董志統轄表金澤之前先以李昂昂成化間  
討平楊九龍等議設副使參將等官於龍石要害處  
然官則江西巡撫也非章貢所敢專故謝志祧之

鄉賢祠祀十五人

唐鍾紹京宋鍾佃曾開曾幾陽孝本李謙明陳勉舊志劉

思誨增李旭黃德溫董越湯拱李涑甘士价謝詔舊志

贛州府學贛縣學歲科兩試額取進童生各二十名歲試

取進武童府學二十名贛縣十五名雩都信豐興國會

昌安遠龍南長寧文武取進童生各十二名定南文武

取進童生各八名廩膳增廣生府學各四十名贛縣以

下俱各二十名歲貢府學每年貢一人縣學二年貢一人

本仁按信豐龍南原定學額各十五名寧都二十名瑞金石城各十二名每逢歲科試寧都撥入府學一二名瑞金石城各三四名後因寧都改陞爲州瑞金石城轄焉經部議准府學二十名原係十二縣撥入現雖僅轄九縣未便減府學之額贛縣首邑亦未便改撥將信豐龍南十五名各減三名歸大瑞金石城與從前撥府之數相符而府學額數既寬歲科試撥入時將信豐龍南多撥三四名以補償原額除定南照舊八名外其餘七縣俱一律額定縣學十二名

學田額租共二百八十一石二斗五升外折租銀十五

兩三錢八分四釐完贛縣征銀十四兩九錢七分二釐

漕糧三石六斗一升六合完雩都縣銀二錢九分八釐

宋王安石虔州學記

虔州江南地最曠大山長谷荒翳險阻交廣閩越銅鹽之販道所出

入惟埋盜奪鼓鑄之姦視天下爲多慶歷中嘗詔立學州縣虔亦應詔而卑陋褊迫不足爲美觀州人欲合私財遷而大之矣然吏常力屈於聽獄而不暇顧此凡二十一年而後改築於州所治之東南以從州人之願蓋經始於治平元年二月提點刑獄宋城蔡侯行州事之時而考之以十月者知州事錢塘元侯也二侯皆天下所謂才吏故其就此不勞而齋祠講說候望宿息以至庖福莫不有所又斥餘財市田及書以待學者內外完善矣於是州人相與樂二侯之適已而來請文以記其成余聞之也先王所謂道德者性命之理而已其度數在乎俎豆鐘鼓管絃之間而常患乎難知故爲之官師爲之學以聚天下之士期命辨說誦歌絃舞使之深知其意夫士牧民者也牧知地之所在則彼不知者驅之耳然士學而不知知而不行行而不至則奈何先王於是乎有政矣夫政非爲勸沮故舉其學之成者以爲卿大夫其次雖未成而不害其能至者以爲士此舜所謂庸之者也若夫道隆而德駿者又不止此雖天子北面而問焉與之迭爲賓主此舜所謂承之者也蔽陷叛

逃不可與有言則撻之以誨其過書之以識其惡待之  
 以歲月之久而終不化則放棄殺戮之刑隨其後此舜  
 所謂威之者也蓋其教法德則異之以智仁聖義中和  
 行則同之以孝友睦婣任卹藝則盡之以禮樂射御書  
 數淫言詖行詭怪之術不足以輔世則無所容乎其時  
 而諸侯之所以教一皆聽於天子天子命之矣然後興  
 學命之歷數所以時其遲速命之權量所以節其豐殺  
 命不在是則上之人不以教而為學者不道也士之奔  
 走揖讓酬酢笑語升降出入乎此則無非教者高可以  
 至於命其下亦不失為入用其流及乎既衰矣尚可以  
 鼓舞羣衆使有以異於後世之人故當時婦人所能言  
 童子所可知有後世老師宿儒之所惑而不悟者也武  
 夫之所道鄙人之所守有後世豪傑名士之所憚而愧  
 之者也堯舜三代從容無為同四海於一堂之上而流  
 風餘俗詠歎之不息凡以此也周道微不幸而有秦君  
 臣莫知屈己以學而樂於自用其所建立悖矣而惡夫  
 非之者乃燒詩書殺學士掃除天下之庠序然後非之  
 者愈多而終於不勝何哉先王之道德出於性命之理  
 而性命之理出於人心詩書能循而達之非能奪其所  
 有而予之以其所無也經雖亡出於人心者猶在則亦

安能使人舍己之昭昭而從我於瞽昏哉然是心非特  
 秦也當孔子時既有欲毀鄉校者矣蓋上失其政人自  
 為義不務出至善以勝之而患乎有為之難則是心非  
 特秦也墨子區區不知失者在此而發尚同之論彼其  
 為愚亦獨何異於秦嗚呼道之不一久矣揚子曰如將  
 復駕其所說莫若使諸儒金口而木舌蓋有意乎辟離  
 學校之專善乎其言雖孔子出必從之矣今天子以盛  
 德新即位庶幾能及此乎今之守吏實占之諸侯其異  
 於古者不在乎施設之不專而在乎所受於朝廷未有  
 先王之法度不在乎無所於教而在乎所以教未有以  
 成仁義士大夫之材處雖地曠以遠得所以教則雖悍  
 昏嚚凶抵禁觸法而不悔者亦將有以聰明其耳目而  
 善其心又况乎學問之民故余為書二侯之績而  
 因通古今之變及所望乎上者使歸而刻石焉 張九

成重建贛州學記

天下之可恥者莫大於為盜而好訟  
 其次焉贛在江西為大郡山澤細民

乃甘心於天下之可恥者獨何歟余嘗考其所以然矣  
 見利而忘義則盜心生好勝而無禮則爭心起昔吾嘗  
 聞弭盜之術於吾夫子矣曰苟子之不欲雖賞之不竊  
 抑嘗聞告子路止訟之說矣曰聽訟吾猶人也必也使

無訟乎夫不欲無訟繫其上不繫其民文王服事商而  
 耕者遜畔行者遜路宓子賤形於彼使漁者於夜半無  
 人時不忌其教令此不欲無訟之效也歟嗚呼此格  
 爾而得哉學之不講是吾憂也夫學者皆以格為格  
 物者窮理之謂也窮一心之理以通天下之理窮一事  
 之理以通萬事之理舞干羽而有苗格秦繆昭而鳳凰  
 來高宗思而傳說夢泮宮作而淮夷服格物之學如此  
 是天下之至樂也惜乎聖學不傳而有為者徒為是紛  
 紛也右朝奉大夫趙公善繼紹興甲戌來守是邦當  
 兵方定攘敵滿郊或者勸以威刑又或勉以智術公一  
 切謝之曰殺伐傷和詞訟亂政非吾志也又曰民吾民  
 也其所以致此者以見利而好勝蓋求無欲止訟之道  
 乎學有舊基榛蒼之所蒙蛇虺之所宅狐嘯鬼嘯過者  
 悲焉乃獨喟然作而新之體制宏偉規模深遠建殿以  
 尊夫子立堂以萃講說生徒有齋掌教有宰御書有閣  
 庖漏井區各有其所意將使學者體格物之說以無欲  
 以無訟以求夫子之用心而誕布於四境消見得好勝  
 之氣去忘義無禮之弊其大矣哉凡厥諸生當體公意  
 以是正心誠意以是修身齊家以是治國平天下以盡  
 大學之歸以求夫子之用心使不欲無訟之說行斯無

負於公之志矣建學未幾而四野清淨訟牒稀簡問  
 乎有洙泗之風而合泮宮之詩焉可謂盛矣若夫版築  
 之工土木之役歲月之終始  
 皆非學之先務茲得以畧云  
 明彭時新遷府縣儒學

記 顧於江西為鉅府其城據章貢二水合流之處山川  
 雄秀風氣固密形勢概可知矣然邵縣一學自宋以  
 來俱在城內之東南面壁城垣未足以當其勝入國朝  
 百年之久教養俱備而科目乏人或者以為地有不利  
 而有司憚難莫之能改遷為己任乃相其宜得學之西北  
 偏景德寺其地隆高亢爽後接鬱孤臺前對崆峒山山  
 勢聳拔如卓筆狀喜曰建學育才莫宜於此即召寺僧  
 以府學易之並縣學遷焉拓其地北南一百一十七丈  
 東西七十三丈中建大成殿殿後為尊經閣左為府學  
 右為縣學自門廡堂齋廡舍以及倉庫庖漏之所靡不  
 如制方經營中有言永樂間嶺南所貢營造殿材棄置  
 南安水中者皆棟樑具侯即遣人出之其餘材木多取  
 辦於寧都工匠資費悉出公帑及邑民之好義者始事  
 於戊子春三月及秋二學大綱皆完侯述職京師以內  
 艱去己丑五月黃岡謝侯親實來繼之因其已完者加

以龔龔繪飾復展樞星門於泮池南東西各為一門以便二學師生出入闢射圃建文昌祠泮宮橋立成賢育才二坊於通衢以表其域此皆增其無者也二學成規模宏壯華麗有以出塵囂而挹清曠加於其舊遠甚始遷之歲諸生名鄉薦者二人明年進士及第者一人邦人父老咸喜以為二侯興學之效且曰昔者因舊屢修皆有文以紀其功况今改建其功尤大可無紀述示不忘乎乃寓書翰林編修董越俾徵予文越即及第者也予惟學校王政之本自古以為重今天下郡縣無遠迤邐皆有學以教其人學必廟以祀先聖先賢無非欲學者朝斯夕斯瞻仰先聖賢之儀範而誦讀其遺書明天理迪民彝成德達材為國家致治之用其有關於世道如此肆守令之賢者恒以興學為首務雖極崇飾不以為過焉而顛縣乃獨不若浮屠所據之地之勝此曹侯所以有易置之舉也夫議易置者昔嘗有人往往怵於禍福作而復止惟曹侯負剛毅之才勇於有為如此然非謝侯克繼其後則亦何以成其美哉二侯之功於是偉矣吾見士之來學者咸有所感發興起勵自強之志窮理以致其知反躬以踐其實必求至於聖賢道德之域不怠以止將來信科目以出列公卿大夫之位以補治

者踵接不絕其必自茲始矣後之人推本顛學賢才之盛思詠二公之茂功遺德豈有窮哉曹侯山進士歷給事中參政改今官謝侯由進士歷戶部員外郎重慶九江太守補任於此居官俱有善政前後相成其事者同知程鶴通判鄭謹推官俞晟顛縣知縣黃以誠董役則醫學正科劉慎冠帶義士某某也因并書使刻焉

國朝姚孔鉉修建顛州府學記

顛之有郡學也宋代初始於紫極觀真宗時改

為祥符宮學遂廢其中變更多故有明建於景德寺不久御史陸公復遷於紫極觀故址代遠歲延榱棟宇垣墉多敗壞朽蠹其何以妥聖靈而肅觀瞻前任姚公慨然任之建議興修繼之者劉公未竣予於辛未之秋蒞任請本郡巡憲力終其局命學官帥諸生踴躍從事夫立政之要當先文治古者天子建學四海翕然從風秦之廢也治道乃隳歷漢晉梁隋清譚詭譎非早而溺申韓即高而佞佛老治幾為天下裂而學亦俛俛靡之嗟乎先師者教化之原教化者士習之基人心風俗舉由此出本之不立而徒沾沾一切治具是務末矣昔文翁起官舍招下學子弟衛輅下車修庠序之教政績稱最心竊向往之予任黔十餘載行而有效今於顛益篤

適原在河南府知府曹元仁貢士龍躍毅然損資完功  
念切聖人洵不忘本也溯乾隆丁卯夏月起迄壬申夏  
月而竣春秋已闕六載費用約八千有奇計所營者正  
殿兩廡丹墀甬道樞星大成門圍橋及道德二門右則  
崇聖祠及文成公祠鄉賢祠左則明倫堂文昌閣名宦  
祠及學署無不煥然更新豈徒誇壯麗哉今天子  
崇隆文教三代莫踰尚矣因體作人至意以修學為急  
士子藉以習禮樂官僚藉以端風化儒行吏治胥沾聖  
澤由是而綱紀法度次第修明上則敷宣泰績下則風  
雨以從而崆峒章貢山川秀拔靈鍾多士出其俊偉奇  
傑之才學以黼黻皇朝垂竹帛是則予之志也

### 贛縣

贛縣學舊與府學俱建於紫極觀宋祥符中皆廢春秋釋  
奠附於社稷壇舊志皇祐二年縣令王希始於故址東南  
隅創建孫復記紹興二十年火紹熙五年縣令黃文昂

重建楊萬里記慶元三年縣令司馬選董南一增修周

必大託通志明洪武間知縣崔天錫陳益民陸賢並修之

永樂間知縣李顯宣德間知縣李素景泰間知縣邵所

相繼修葺成化四年知府曹凱同府學改建於景德寺

通志嘉靖四十一年巡撫陸穩復遷紫極觀舊址萬曆三

十二年巡撫李汝華仍遷於景德寺楊守勤記舊志天啟

元年巡撫周應秋重修明倫堂自為記據謝志崇禎十

三年巡撫王之良改建於鬱孤臺下通志後燬

國朝康熙二十年知縣劉翰芳倡修明倫堂自為引舊志三

十三年知縣曹炯曾倡修通志又建文昌閣於廟左舊志三



十九年贛南道劉蔭樞重建尊經閣通志構講堂於西隅

舊志五十五年知府黃汝銓知縣張瀚捐修通志乾隆元年

知縣張照乘仍遷於紫極觀舊址自為記二十五年知

縣沈均安捐修四十二年知縣衛謀擴新之移東南向

舊志嘉慶九年贛南道廖寅知府張護知縣龍澍倡修龍

澍記縣志

崇聖祠乾隆二十三年知縣張照乘遷學紫極宮建於艾

廟後

名宦祠在大成門左嘉慶九年重建祀十五人

宋太守趙抃文天祥縣令王希明知縣崔夫揚李素

國朝軍院佟國器劉武元知府郎永清總鎮姚自強哲爾

肯蔣毓英胡有陞贛撫王之良巡撫白潢督學高瑛

鄉賢祠在大成門右嘉慶九年重建祀十六人

唐孝子謝俊宋孝子盧世豪隱士陳炳劉炳曾準陽孝

本曾林會開會幾處士李珙孝子劉鑄謝陟明明李旭

彭希賢謝詔劉思誨

贛縣學環廟皆宮墻左義路右禮門東西向進門為躍龍

池進而左右兩門南左坊曰德配天地右坊曰道冠古

今中為大成坊進為泮池引廉泉水入焉上有橋過橋

升階為戟門兩旁有碑亭又進為大成門左名宦祠右

貢州府志

鄉賢祠門以內東西兩廡祭器樂器二庫次之鐘鼓所  
又次之中爲大成殿後爲崇聖祠大成門外左偏爲尊  
經閣閣前爲崇道堂堂前爲文昌宮爲魁星樓右偏爲  
節孝祠爲孝子祠祠前有箭道宮牆外左偏爲教諭署  
由頭門而進爲明倫堂署在堂後右偏爲訓導署署右  
爲土地祠自前街路以北空坪至後殿宮牆計地共七  
十丈有奇

贛縣學額詳郡學

學田共租一百十八石七斗歲納征銀五兩一錢五分  
零漕米一石一斗三升零

宋孫復始建文廟記

我孔子之道被乎萬世非假腐筆  
懦辭稱述之然後爲大也志者直

以廟之興廢疇之歲月爾按圖經舊有孔子廟在縣西  
南切近於紫極觀大中祥符三年詔廣紫極爲大中祥  
符宮因徙孔子之像而取其地焉時令非其人不能別  
相爽塏以肯構之其廟遂廢每歲春秋旣無釋奠之所  
乃畱其牲幣戊日合祭於社稷壇共非理也甚矣迨茲  
四十年未有議修復者祭器殘缺委於縣門之上胥吏  
輩往往取其俎以爲坐莫有禁止吁可怪也故贛人目  
不識孔子之像惟淫祠是奉者罪在令不在民民從上  
化者也大理寺丞王君希到官訪之病其然也且曰舊  
制孔子廟天下郡縣通祀之而贛獨不祀此豈朝廷尊  
儒重道意耶乃於舊址東南數百步度地胥宇以營之  
又懼其擾於民也撤浮屠之無名者取其材贛人聞之  
揚然曰今吾令至止首作孔子廟以布朝廷尊儒重道  
意是將驅吾遠人納之於善也彼浮屠老屋庠且朽矣  
烏勝其任乃相與願以良木堅壁易之王君因民之樂  
而多親視役故材甚壯工競勸廟不再季而成凡厥器  
用亦一新之仍於兩廡爲舍十數楹以處學於是春秋  
釋奠有所贛人知其所嚮孔子之祀絕而續焉噫昔顏

淵死門人厚葬之子曰回也視予猶父也予不得視猶子也則知學者之於孔子皆猶父也顧令不祀孔子者四十年是子不祀父也子不祀父其罪如何哉由此而言之王君是舉也可書也已故筆之於石以示來者嗣而葺之則無負 楊萬里贛縣學記 贛縣治之西南祀孔於孔子之門 子故有廟學則未聞

也後廟亦廢其地入祥符宮皇祐二年縣宰王君希卽舊址作新廟卽廟廡爲學舍至紹興庚午火於叛卒後六年予爲州戶掾武夷陳君鼎元器爲宰盱江黃文昌世永爲主簿一日二君約予登覽縣之學基則棘槭生之瓦礫翳焉二君慨然欲復之未能也後四十二年黃君之弟文暘來爲宰其治明而寬惠而能繼葺年民馴其教條而樂供其貢賦供上既終乃斥其贏爲錢百萬攝守黃侯渙復佐以五十萬中峙大成之殿繚以七十餘區之房講席有堂入直有廬肄業有齋東西有序庖湏有所兆修瑚筮繪事從祀百兩文物彪列一新釋菜之容觀者起敬誦絃之聲聞者勸學屬役於紹熙甲寅之季春而考室於仲秋黃君走書來請予記其成予復之曰予之兄天下士也予之畏友也然是學也子之兄嘗有志矣而莫之就天下之事同則易造則難今子能

造而新之其不曰難乎哉子之兄之所難而子之所易豈不又難乎哉事之難者余旣易之矣事有至易而又反難之者子抑聞之乎顧之爲邦其山僻而厲其水湍以清聳而厲故其民果而挾氣湍以清故其民激而喜爭長民者曰化之難予則曰化之易若之何其易也彼其挾氣獨不可因之使果於義彼其喜爭獨不可因之使激於節與名若之何其不易且百年之間如陽行先如孫介夫如李先之非顧人乎非名義之君子乎使崆峒爲淵章貢爲山曰顧之士不復有斯人也其孰曰不可不然而曰斯人不復有其孰曰可顧所以因而使之者何如耳然則因而使之奈何謹庠序之教申之以孝弟之義斯道也因而使之之道也非乎長民者獨不聞之者乎故曰因則易今孟子之言子已得之矣異時有磊落光顯於朝以名義聞天下者其必顧之士也夫其子之教也夫子老矣 周必大重修學記 皇帝立學徧郡其猶可得而見也夫 縣縣有附庸有支邑人之言支邑距城近者百里遠者則倍蓰賦租征權間得移用學校之修旣已非艱而其士又以城闕爲遠故庠聲序音自振於一邦附庸則不然賦租征推守皆統之士方萃於郡庠爲令者因得藉口學校名存實

否人亦不責備也慶元三年冬奉議郎司馬遠來爲  
軍深闢其說謂郡庠教養率限以員今十室必有忠信  
而曰一州無遺賢誣其下也上臺戒橫敏州家不苛取  
邑之財用有定名或漁於吏或費於侈而曰力不及於  
學誣其上也於是節用度核隱欺首葺大成殿次飾講  
堂齋舍凡重門修廊庖湏之所器用所須無一不備舊  
廩歲輸米二百斛緡錢僅以百計經營三載括六鄉開  
田之所入益錢至二倍既有養士之費則請於州選補  
生員寢食於學月書季考一守成規春秋奠獻如式文  
風郁然遂爲外邑之表代更有日書來請記予聞記有  
二說不贊聖人之道則勉諸生以學昔在皇祐賢令大  
理寺丞王希肇正廟學泰山孫復碑記其實謂夫子道  
被萬世不假稱述速嘉祐中著作佐郎錢顥尤號賢令  
學政益修每以上之教化士之講習告諸人臨川胡象  
大書碑陰卽而讀之思過半矣余尚何言姑舉司馬君  
之說使來者知溫國冑緒爲政如此非俗吏所能爲也

明楊守勤新建儒學碑記

治東鄙與郡學埒成化丙戌

太守曹公凱監之易地景德寺宮焉官中兩齋舍爲輔  
制頗壯偉更三守乃成嘉靖開中丞歸安陸公從士請  
改卜祥符宮身如景德故事制如初然以兩齋輔一廟  
沿襲百三十餘載矣顧素產清明有道之士自王文成  
昭揭聖修倡學茲士至今士品爲他邑冠迺舉制科者  
往往遜他邑青衿誥語祀弗專與文弗耀與抑藉堊不  
滿於景純之日也相與質之形家僉謂景德舊址豐隆  
宏敞延袤正方比亘鬱孤南瞰峒鳳池匪遙翠玉可  
枕如彭學士所稱洵吉壤卽定畫而費不貲未免猶豫  
存肩之難也會睢陽李公汝華涇陽牛公應元後先來  
鎮虔州李獨毅然首其事捐金至百劬涇陽牛是於是  
兩臺監司守令而下成助資力經始萬厯甲辰之冬乙  
巳夏告竣事則宮牆內外煥焉丕新環洋橋文廟之南  
而兩廡諸賢有墀鄉賢名宦有祠文昌凌雲有閣明倫  
堂敬聖宮土地祠學舍衙齋井井畢備時予從弟伯晉  
爲顧令適以述職會予邸第前曰汝昇無狀庶幾藉手  
新宮塞茲瘞曠已第按周官冢塾黨庠州序異名也小  
學在公宮南之左大學在郊異地也環壁成雍半壁成  
類異制也然夫子之道六合一人萬古一日胡郡胡邑  
哉合是邪奚其分今是邪奚其昔予曰大人之舉禮樂  
正其法則立之學等昭分也是故大夫之堂五尺舞四  
佾士三尺二佾爾惟漢天子得以太牢爲祀史氏與焉

管仲鏤簋朱紘君子以為濫矣高皇帝詔天下郡縣行  
上丁之祭府釋奠縣釋菜夫子一而隆殺者祭以大  
夫祭以士之義也記云禮雖先王未之有可以義起况  
制乎且顧自宋皇祐初業有耑官矣其曰學者於孔子  
皆猶父也顧令不祀孔子四十年是子不祀父如罪何  
見於孫明復所記者可考鏡也自後慶元嘉泰皆修葺  
罔缺特至元而廢爾以今聖世崇儒夔絕宋氏而偉制  
不新羣心未愔何以振起人文而譽髦斯士哉予為諸  
君子之心豈忍堪與總為顧士蓋人情無與萃渙則不  
專無與激昂則不奮工之肆齊之莊嶽專故也下流而  
邑醜決勝終食奮故也今士專且奮矣而續成大道步  
趨文成者又方為爾顧士鵠宜何如省惕以仰副上人  
立學意耶倡率而鼓舞之是誠在子伯晉甫唯唯去而  
孝廉金汝和彭森來試南宮輒以記請予不敏祇述語  
家弟語語之是役也經年一十有二經費四千有奇二  
陽公之緩居多也至其申飭協成則撫臺夏公良心按  
臺徐公元正嶺北分守道丁公繼嗣兵巡道龔公道立  
學憲蔡公增譽貳守何公文偉助金有差開來倡義則  
鄉先生謝公詔泊士民樂助者舉書其數於碑陰其務  
充材植則前有若郡倅丁公遂後有若郡丞李公烟輔

潘公牛正程書格共則有若衙經歷戴金臺而樂成善  
後則汝昇也春秋固重民力而時且義亦書書之義斯  
舉也詩有歌之者歌曰孰為明朝陽斯升孰為澄章貢  
斯清知子之來賢關其開定之方中學宮其隘自  
今以始祀于斯羣于斯責人文于斯于督築兮 周應

### 秋重修明倫堂記

顧邑學宮舊當郡學之傍湫陬庠隘  
附祀不專厥制大弗稱萬厯間中丞

李公謀改築之得陽明公祠址而徙焉據向高燿位置  
中倫崕峒峙其前鬱孤立於後甫遷之明年諸生領鄉  
薦者數人嗣後成進士者指不勝屈邑人士咸以為吉  
遷焉歲既久廟貌弗飭土木敗蠹明倫堂竟塗墍泯滅  
椽題覆撓甚非所以育材彥而隆教化也舉墜救敗有  
司素有同心而每苦經費無出致使俎豆之地鞠為荒  
圃余詣學課士循覽嘆息因檄下監司郡邑謀共飭新  
之公費殫闕無以贍事至費半載之心計而費鉅粗備  
天啟改元春二月始得告役於廟戒期訖工階城圭薦  
丹雘聿煥凡漭漫凌夷之處咸就完朗於是矜佩之士  
樂是役之有成也謁文以記之予惟明與膠序麟次郡  
國秩祀嚴備文教蔚然士之有學猶工之有肆農之有

畔而女之有帷也士而剪棄道德跳越宮牆是何異工  
不居肆農不服田而女之帷薄不修乎孔子之道大明  
於昭代而西江與於首善其文物道術之盛殆不必言  
惟是爾嶺最多賢宦道統漢解之後天方以濂關選孔  
孟姚江還伊周天下仰之若二曜五岳咸思一矣其模  
範迺濂溪龜山兩夫子暨陽明先生俱先後蒞任處州  
若天獨私此一方也者流風藉甚道述光顯故志稱虔  
士多務學而無浮靡習則其漸漬被化所從來遠也迺  
來教誨俗儆士或騁於藻采聲光而漸至滅質庠校幾  
無以重士而士幾無以重庠校則所藉於賢有司之振  
厲作興不淺今藉乎共事者起敝維衰章教厲俗諸士  
一登斯堂自必爲之改觀易慮彬彬顯化如農工貞女  
之不溺其守濂溪龜山諸君子之道脈其有興乎至若  
廟貌中興之後湮鬱壅劇之氣慮無不廓然闕達多士  
乘運祚維新舉電激入光國門而獻琛以快觀顯融  
懿鏤之理則在諸生一振奮間耳是役也不費公帑之  
半銀諸所鳩材庀工經紀其事者實著勞勤而同德協  
力合監司郡并肩廢緒迺底於竣虔多賢宦亦一時之  
幸百世之永利也

國朝張照乘遷建學宮記

額受縣於漢學則隋唐以前無

考自宋迄明中間廢興改遷則有殿中丞平陽孫公復  
文江楊文節公萬里周文忠公必大安平彭文憲公時  
諸學記載在志乘可考而知也外尚有楊公守勤張公  
位周公應秋羅公洪先四記畧焉舊志猶可考也崇禎  
庚辰都御史華陰王公之良更遷於望閣臺下本朝  
因之一修於上海曹公炯會重建於大興張公瀚歲已  
卯照乘奉調茲土仲冬學博丁君椿介諸生徐世傳等  
來謁請遷建於城東南隅紫極觀址而以舊學作朝賀  
之所曰萬壽宮爰鳩工庀材有因有創首爲東西兩廡  
次爲鐘鼓二樓又爲典籍祭器二庫深凡十四丈左爲  
名宦祠祠左爲報功祠右爲鄉賢祠祠右爲紀功祠合  
級二十有九凡三道級之下爲池做古頌官制規其半  
橋週以石欄導廉泉活水瀟於中池前爲戟門左右爲  
德配天地道冠古今二坊又前屏牆牆左右爲義路禮  
門二坊牆之外鑿天沼中爲躍龍橋橋前爲大成坊左  
右爲聖域賢關二坊自櫺星門至是凡深四十丈有杏  
殿之後中爲崇聖祠祠左有尊經閣閣左爲教諭廡右  
爲敬一亭亭右爲訓導廡稍前忠義節孝二祠鐘樓之  
左爲明倫堂堂後爲庖湍所爲學舍爲學科爲土地祠  
省牲則麗焉前爲文昌宮宮前縣學坊坊下闢射圃是

役也計費六千餘金凡越七載告成特為龍澍重修縣

學記龍澍學之興廢遷徙載在志乘前人之說備矣自乾隆丙辰前令張君照乘始遷於紫極觀為今址越

今七十餘年兩經修葺嘉慶甲子余蒞任茲土邑紳士

復請重修予乃捐俸為倡眾咸樂助庀材鳩工正殿無

煩改造則從因餘俱創正殿之下首為鐘鼓二樓次為

祭器樂器二庫又次為東西兩廡為祭祀宿直之所其

前為櫺星門門左為名宦祠右為鄉賢祠週內外皆更

石楹又其前為戟門門之兩旁為宿直外廳紀功碑廳

焉戟門下有三道道凡三級其下為泮池池之前為大

成坊又前為德配天地道冠古今二坊有牆以蔽內外

牆之外又鑿池為躍龍池自此臨通衢有牆以表外為

義路禮門二坊自前官溝至後崇聖殿計長七十丈有

奇前後廣二十七丈有奇中稍縮為五分廣之長而後

其一崇聖殿左右為尊德性道問學二堂為諸生講習

所自是而下環垣以界內外宮牆外左為尊經閣前數

十武為崇道堂為文昌閣又其前為教諭廨廨前為明

倫堂為學科牆右為節孝祠忠孝祠前為射圃又其前

為訓導廨為土地祠為庖廡之所省牲麗焉其右旁前

雋都縣

雋都縣學在縣西一里宋天聖八年縣令陳希亮建李宗

簡記景祐三年縣令陳彙徙於城北至和元年縣令陳

用之徙於縣東南通志即今賑濟倉址舊志建炎間兵燬紹

興八年縣令董達重建通志乾道六年縣令朱椿年重建

郡守洪邁記咸淳末兵燬舊志元至元十六年縣尹孫元

傑改建於縣治西北隅甘棠園大德至順間縣尹曹勳

後地雖舊址間為民居爰以二百餘金購歸學內經始於嘉慶乙丑告成於辛未夏季計費二萬餘金是歲余調任南昌而學工方竣諸紳士請余記其事余幸竊附前賢令之後固不得以不文辭是役也倡捐始事者鷺溪鍾氏其餘捐勸者若而人董事者若而人並勒名於石以見贛人之好義云

施德達相繼修通志明洪武間知縣徐遜重建通志永樂十

五年知縣李訥修正統元年知縣吳宿署縣事蔣達加

修宏治三年副使張璉增建黃仲昭記八年知縣林鸞

高頤相繼建明倫堂鄭紀記正德五年災六年知縣劉

天錫遷建于紫陽觀基袁慶祥記嘉靖十九年諸生袁

淳等請之撫按命知縣蔡炯復遷于舊址通志淳有記舊志

天啟五年知縣楊大名請布按分司署故址改建崇禎

十年知縣鄭楚勳遷城西復甘棠園舊址易學實記通志

參舊志

國朝順治十年知縣何鏗重建明倫堂及東西齋易學實

記縣志十六年知縣李祐之增修通志三十四年教諭周宗

濂修葺舊志四十五年知縣盧振先修葺管奏敬記舊志五

十四年知縣章煜加葺通志雍正八年正殿梁折縣志署縣

事劉錡議建通志邑人吳翀捐倡重修縣志道光十七年邑

人管德松等捐修大成門新志

崇聖祠在先師廟東南道光十七年知縣宋應文從邑人

請移建于大成殿後之金星嶺新志

名宦祠祀三十四人

宋縣令陳希亮沈希顏王雨董達劉藻劉安世黃邦彥

主簿歐陽守道縣尉周必大明知縣宋宏蘇恪宮好禮



查允中徐遜羅經王琳羅瑋黃文鉞沈璇劉昌祚阮悉  
寶啟臯縣丞陶鎔蔣達主簿方茂梧典史張勝教諭蕭

棟蕭廷對

寶志

國朝知縣李佑之盧振先左修品

寶志

知縣張湫督學高璜

巡撫白潢

縣志

本仁按縣志較寶志增張湫高璜白潢三人而無黃文欽沈璇劉昌祚阮悉寶啟臯方茂梧張勝蕭棟盧振先左修品十人今仍依寶志載之

鄉賢祠祀十六人

晉孝子陳方期唐賴裴宋王鴻朱申黃炎郭峻鍾岳陳

維郭杞元隱士劉君賢明袁端黃宏綱何廷仁李冰李

一松

國朝易學實

學額詳郡學

學田租二百九石糧四兩一錢又新增租一百五十六

石

舊志

學租共二百二十一担五斗除完糧外備餉銀十

三兩二錢解學道又園屋園地魚塘共稅銀一兩二錢

又學山四十八所共租銀十五兩均歸學宮詳縣志

明蔡亮蕭立道捐奉學宮門牆地基序

三伐而後趨向得其正者惟漢

唐宋以及我朝之民也蓋上以仁義漸染於下下必以仁義淑其身孔子所謂斯民也三代之所以直道而行也彼五季之人不之巫則之老不之老則之佛而元尤甚其與淫祀以求冥福舍僧田以求生福者比比而是

甚至婦人女子焚香寺觀倒囊祝願恬不為怪蓋佛老之中於人心沿為故習久矣聖朝御極禮樂宣著教化一新大公之行猶時見於閭里焉蕭君立道蓋能崇儒重道者也正統丁巳夏縣尹王公琳奉詔修學宮既成卜門路學左數月無隙地可營立道詣學宮請曰某願奉數丈地以成文廟偉觀嗚呼立道之識量過人遠矣夫學校之地非一人之利也創建之業非一時之計也惟有大公無我之見而後能公之一邑而不吝昔范文正以屋基為學宮千古傳為美談其子孫之登科第躋顯宦者綿延不絕立道所為無異於文正其食報之理必不少爽於文正矣自遷學之初缺是地者六十餘年今一旦而得此非聖人之德意淪於立道之心又烏能慨然就義而莫之禦耶於是邑人士咸嘖嘖曰立道之行真當吾雩千萬人之心亦吾雩千萬年之幸也非得先生之文表之奚以揚休美於無窮予乃援筆而為之序 袁慶祥新遷儒學記 三代見於經而頌宮之頌即記之權輿也漢唐宋以來凡興作皆有記非徒記其人之功亦因以識歲月興作之由也雩之有學舊矣今而改建不可以無記也化老氏之宮以為素王之宮尤不可無記也桂林劉侯天錫由

進士職教官來治雩先是闕寇劫焚民居而學宮歸然獨存侯愆前患凡百備禦竭心思協人力於是甫定越明年以民舍之火延及學宮蕩然無存豈其數與當釋奠侯即紫陽之宮從事既而詢其事嘆曰此廢宇也吾夫子功在萬世而吾邑一靈莫妥豈其心哉今老子既有祀於紫霄而此又何為哉宜撤而遷之舊學淺狹殊甚衆謀翕然遂相地址定規制創大成殿兩廡戟門櫺星門明倫堂生員號房教官廨舍與夫庫厨倉廩之類一依程式次第就緒煥然一新惟是聖殿半用舊材不滿士望憲副戴公發銀十餘命侯又撤而新之經始於正德辛未十月十八日至明年三月而告成工費之鉅凡百所需皆侯之經費不及民嗚呼茲役也豈偶然哉成化間先君適軒先生嘗奏遷於此有司憚於作興不果不圖有成於今日也此非事有定數時有機會也歟諸士居茲學宮鼎新之地加夫學問自新之功履仁蹈義以立遠大之基養氣峻節以符他日之用此則區區有望於諸士之微意亦賢侯新學之盛心也夫扶掖聖道韓子所謂人其人廬其居侯之功在今日於君為大而士習純禮教興人材振美風化於將來他日思侯之功而興起又不止於今日者此記之作豈止識歲月記

成績云乎哉相其事者主簿賀紹芳教諭張君野訓導張君淪朱君泰萃生李敷陳佳輩而典史葉茂義官劉瑁又專督理以成此鉅美者法得附書俾後有考

黃仲昭重修學記

廟學創於

宋之建炎重修於元之大德毫社既屋魯殿獨存宏治初江西按察副使張公聰奉聖書來嶺北篤意學政當駐節雩都時謁文廟瞻望聖儀見梁木隕階旭湮章服晦言几案闕裂亟欲新之遂令邑之令佐俾工師繩矩搏埴既瓶鱗次節檢輝煌袞冕尊嚴郡賢諸儒各以次列門廡庖庫罔不飭備肇工於庚戌秋訖工於壬子夏諸士得以巍冠侈袂執經操觚瞻門牆聆鐸音咸張公惠也諸生劉政高廣請文記歲月余督學政嘗莅是邑親見報功之盛典於義不容辭雖然雩山貢水非尼山闕里固也子貢曰夫子之牆數仞諸士欲見宗廟之美百官之富請從此入矣毋曰不得其門也

鄭紀新修明倫堂記 我太祖高皇帝教覃敷凡天下府州縣莫不有學育才之所扁曰明倫儲書之閣名以尊經盡以立一代之制也江右嶺之雩都舊志余未之考以今彥袁君慶祥父子之盛徵之其為文獻鉅邑可知矣其泮庠建徙不一國朝因元之

舊正統間僉憲彭君森拓廣門路成化間兵備副使張君聰宏建文廟主簿林洪又修泮橋惟明倫堂廢甚余鄉友林君鸞以京秩出宰首加慨念迺謀諸教諭李時訓導留瓚特請於提學僉憲黃君仲昭發藏金二百餘兩郡守佐悉捐俸以助遂命工需材易腐為新時林乃以調去適新宰高君容繼至又多方區畫以益之堂成列為五間高四丈有奇楹棟中半各施橫梁覆以版棧上為尊經閣奉聖朝頒降五經性理諸書及百家子史有關於倫理者充之下前深六丈為明倫堂後深三丈為退講堂東西翼以兩齋規模氣象煥然一新俾諸生履斯堂則求盡父子君臣夫婦長幼朋友之綱常登斯閣則考究古先聖賢大學之成法以是闡之博文登斯堂之實踐特升降出入之項耳日涵月泳時薰歲炙則濟濟洋洋樞趨而來者皆具孔顏程朱之器度而蘊臯夔稷契之事業科貢不足言矣經始於宏治乙卯冬十月落成於明年秋八月事速而功大不可以不載故因其請書之

袁淳重建儒學舊址記 雩學在縣治東郊蓋俾刻諸石 先為紫陽觀以學故址易之水遶而清山峙而峻創後登賢書者四人然歲曆三紀未有釋褐於國學者嘉靖庚子淳謀諸友人黃

褒曰夫學惟故址之為善也蓋遷諸褒曰是則然矣待  
 費用浩將安需乎淳曰夫事求諸勢力者則志騃而難  
 集舉以大義者則意合而易成顧倡之何如耳於是謀  
 及諸士謀及父老謀及先達謀及官師罔不用孚焉三  
 師稟生各捐季俸歲膳以示倡諸士則稱家之隆殺父  
 老先達亦隨力哀助蓋不動公帑不煩有司而所敘不  
 下五百金矣乃鳩工市材以鄉耆曾學管惠易輅張淮  
 黃宏爵董其役禮殿講堂戟門廡舍制亭祠宇官廨儀  
 庫藏悉備具經始於庚子初冬落成於辛丑之二月官  
 師庠士相率行釋奠禮規制煥然改觀矣時有難予者  
 曰聖人會人物於一身萬象異形而同體通古今於一  
 息百王異世而同神於土皆安而無所避也於我皆真  
 而無所妄也子之自外而遷內也何居淳應之曰子不  
 云乎易窮則變變則通通則久自外遷內者所以通其  
 變使民不倦者也况稽之天時參之地理驗之人事皆  
 在所當遷又何必為舊貫之仍乎是故己日乃革革之  
 所以有孚安安而能遷遷之所以盡善也雖然學宮之  
 沿革者時也士人之利鈍者運也所以績聖道之脈者  
 性分事也諸士既得其門而入繼自今講習以時饗奠  
 以禮德焉思崇業焉思廣升其堂務入其室達則兼濟

民物窮則獨善身心則斯學之復其故址也垂諸千百  
 斯年而不朽可也苟能言其利達以為心而文章道  
 周聞焉職業行誼罔修焉是學宮之設徒為吾人子孫  
 之地耳於斯舉不有玷乎由前所言淳竊有志焉來遷  
 自後所言淳知自警焉而不敢  
 為因為之記以告諸共業者  
 國朝易學實政遺編

學記 當熹宗天啓五年歲乙丑零嘗改建學宮於縣治  
 之左既歷十有二年矣是為崇禎之九年丙子學  
 實時在諸生中共謀遷復城西舊址請於邑侯鄭公許  
 之蓋零學湖陸慶丁卯賢書後無雋者是以有天啓乙  
 丑之遷迨崇禎丙子再倡遷復之議邑人疑狂舉之無  
 益浩費無所出也相與竊笑觀成敗焉當是時公帑不  
 可發民財不可割惟公家土田為奸豪漁沒可詰與民  
 者取值若干公儲侵蝕者取償若干鄭侯捐俸若干會  
 之可近千金遂於丁丑正月十六日丙申以少牢恭告  
 先師工事肇興二月十四日甲申聖廟成三月奉先師  
 神主入廟五月兩廡廟門構星門儒學門禮門義路成  
 舊啓聖祠在明倫堂東北角湫陋甚求講袁二姓隙地  
 擴祠并義路左冬泮池石橋成明年戊寅夏鄉賢名宦  
 正齋道義之門同時告工庚辰春建文昌閣於儒學門

內東南上舊劉氏別業也申祀文昌上為占魁樓明倫堂後金星漸夷增土其上用石周砌杜守者為蔬畦先是構星門外南距屏牆迫隘至是聖廟進升十三丈廟門構星門如之氣象宏敞矣甲申夏屏牆竣工上距丙子經營七年諸生中朝夕拮据者不下二十人然非賢侯決議曷克有成哉若督工耆老十二人始終廉幹不為習俗移心七人耳七人者溫立佑李夢元蕭文豹邱循邱溫所得朱承煜王應益豈不更難其人歟今侯忽變更二十餘年宮牆燿煥珉文不立余懼事久而名湮沒也謹約略記之鄭侯諱楚勳字全初以舉人於崇禎八年甲戌任粵壬午考選雲南道監察御史福建莆田人管奏譔重脩明倫堂記甲申夏五月巨浸稽天洪濤泛地零邑公私靡舍城郭雉垣同日傾圮垂老戴白之人咸咨嗟驚嘆以為百餘年來僅見之災異越乙酉丙戌邑侯盧公相其緩急捐俸修理首城垣次官廨而於文廟尤亟焉修葺丹雘煥然一新復以明倫堂塵封朽落不足以壯觀瞻丁亥冬命工從新修葺節稅鱗岫瘼題燦煥工畢親書大學聖經一章於屏障以為多士勉邑紳士感之屬譔魯筆以記其事顧譔未學何敢以厄詞進因思侯莅粵以來善政不一而惟設義館修學宮崇興文教為人心最不能忘則譔又安敢以不敏謝蓋古者建學非特為佔畢之地已也凡鄉射養老尊賢使能考藝選言皆於是焉舉而出兵受成訊獄獻俘無不由之是故魯作泮宮詩入美之曰穆穆魯侯敬明其德又曰濟濟多士克廣德心上下之間相成以德而梗化者卒遷於善故又曰既作泮宮淮夷攸服贊美之詞惟舉乎德而土木之工畧不及焉可謂知所本矣今侯之德嘉惠斯文已厚士之沐其教者日新其德以稱其作興之意將見德化所及無遠不孚魯人之頌禱有不復作於今日哉粵古漢縣也理學節義代不乏人元宋以前遠不必稽先明三百年間如何黃袁管諸先輩孜孜講求于致知格物之學故其嘉言懿行相傳不朽而李中丞大婚一疏植綱常明大義與鄉吳諸公名馨史冊譔叨附賢書文章事業遠不逮乎前哲然於倫常名義不敢不兢兢自惕所願自今以往凡我同志登斯堂也相與求盡乎君臣父子夫婦朋友昆弟之倫究心於格致誠正修齊治平之訓則粵之理學節義後先奕績庶無負我侯樂育之深心焉豈特人稱望邑而已哉侯諱振先字孝則三韓人易學實佐其事者典史慈溪之劉諱孟輝字雲卿也

不一而惟設義館修學宮崇興文教為人心最不能忘則譔又安敢以不敏謝蓋古者建學非特為佔畢之地已也凡鄉射養老尊賢使能考藝選言皆於是焉舉而出兵受成訊獄獻俘無不由之是故魯作泮宮詩入美之曰穆穆魯侯敬明其德又曰濟濟多士克廣德心上下之間相成以德而梗化者卒遷於善故又曰既作泮宮淮夷攸服贊美之詞惟舉乎德而土木之工畧不及焉可謂知所本矣今侯之德嘉惠斯文已厚士之沐其教者日新其德以稱其作興之意將見德化所及無遠不孚魯人之頌禱有不復作於今日哉粵古漢縣也理學節義代不乏人元宋以前遠不必稽先明三百年間如何黃袁管諸先輩孜孜講求于致知格物之學故其嘉言懿行相傳不朽而李中丞大婚一疏植綱常明大義與鄉吳諸公名馨史冊譔叨附賢書文章事業遠不逮乎前哲然於倫常名義不敢不兢兢自惕所願自今以往凡我同志登斯堂也相與求盡乎君臣父子夫婦朋友昆弟之倫究心於格致誠正修齊治平之訓則粵之理學節義後先奕績庶無負我侯樂育之深心焉豈特人稱望邑而已哉侯諱振先字孝則三韓人易學實佐其事者典史慈溪之劉諱孟輝字雲卿也

重建明倫堂記

粵都重建明倫堂在順治十年癸巳秋

熙改元之歲壬寅乃克紀共事堂原建聖廟後當天啟  
乙丑廟遷縣治左堂存舊地未毀也崇禎丁丑遷復而  
堂仍之然聖廟北舊進升十三尺基增三尺則堂前加  
隘矣至是諸生謀新之盡撤舊宇進升九尺增高一尺  
崇德廣美二齋經營歲周程材鳩工皆捐自諸生邑縉  
紳佐之凡民不與焉學實謹記而申其說曰明倫之義  
本于與氏然君臣之倫大矣父子之親恩莫莫焉吾不  
忍謂世之人固有父不慈而子不孝或有之因禽獸之  
不若也奚可與人同類語哉若夫兄弟夫婦朋友三倫  
者則難言矣孟子之告曹交曰堯舜之道孝弟而已矣  
乃先明其義則惟曰徐行後長者謂之弟疾行先長者  
謂之不弟夫舍孝而獨先言弟若有見於弟道之常即  
一疾行徐行之小且易者忽焉况其大者哉故禮記世  
子篇曰世子齒於學也國人觀之曰將君我而與我齒  
讓何也曰有父在則禮然然而衆知父子之道矣其二  
曰將君我而與我齒讓何也曰有君在則禮然然而衆  
著於君臣之義矣其二曰將君我而與我齒讓何也曰

長長也然而衆知長幼之節矣故曰行一物而三善皆  
得者世子齒於學之謂也若是則齒之爲義尚矣蓋君  
臣父子兄弟之由全者也然而家之齒序於兄弟鄉之  
齒序於朋友今學宮之有明倫堂蓋合鄉之朋友少長  
講學習業其中者也使鄉之朋友登斯堂也而衆著徐  
行疾行之道焉推而上之吾知必能爲忠臣爲孝子爲  
弟矣故三代之學皆取諸養有虞氏養國老於上庠  
養庶老於下庠夏后氏養國老於東序養庶老於西序  
殷人養國老於右學養庶老於左學周人養國老於東  
膠養庶老於虞庠豈非尚齒之謂歟嗚呼盛矣三代之  
所以長有道者正以自天子之元子衆子與諸侯卿大  
夫元士之適子以至凡民之俊秀凡有造於澤官者莫  
不明於齒讓之序而又以天子之至尊設三老五更之  
席位於東序以台父子君臣長幼之道則人才安得不  
茂勉風俗不得不敦厚朝廷安得不收作人之用哉及  
教之衰也燕昵之私勝而孺慕忘矣室家之念重而王  
事廢矣與之歌鶴鴛鴦伐木之詩不如鷄鳴琴瑟之怍怍  
焉動心矣若斯人者登斯堂也豈不有愧於中乎抑余  
固是而尤有感於揚雄氏之言也曰使孔氏之門用賦  
則賈誼升堂相如入室如其不用何然則今之爲士者

如徒曰吾能爲文章吾能致通顯而遂不愧於斯堂是則楊雄氏之所譏而非吾之所謂明倫之說亦非先王所以立明倫堂之意也

### 信豐縣

信豐縣學在縣治東南宋景德中縣令方恬創建

通志嘉祐

間縣令鄭晉重修

舊志

紹興初兵燬縣令彭奉先修之

縣志

二十六年及嘉定三年相繼火縣令張廉張瑄陳梓先

後修之宋末火

舊志

元大德二年縣尹李杲重建至大元

年火縣尹呂天倪修至正七年又火縣尹崔思孝修古

篤魯丁記

舊志

明洪武初知縣趙仕宏重修永樂間知縣

張穎再修景泰間僉事徐復激知縣駱子麟增修龍霖

記

通志

又修明倫堂吳節記

舊志

成化十九年參議林同僉

事方忠

通志作副使莊公

徐完相繼修未竣材火於寇宏治二

年副使張璫檄知縣倪俊成之王臣記

舊志

正德四年推

官張憲塞舊儀門移於櫺星門左

縣志

十年通判徐珪購

街南民地廣學基

舊志

十一年火副使楊璋建修唐錦記

嘉靖十九年明倫堂圯署縣同知張銓改修薛甲記

通志

隆慶萬厯間知縣劉一德署縣同知陳應奎相繼重修

甘士价喻獻可俱有記

新補

明末寇燬

通志

國朝順治九年知縣吉九迪創建未竣厯縣令陳誥竹菴

漪楊宗昌吳卿繼成之

舊志

張繼燿記

新補

康熙十五年寇

燬知縣張輔辰重修通志三十六年知縣方正玉重修自

為記三十八年知縣張執中繼修改建名宦鄉賢二祠

于戟門左右舊志五十年知縣劉宏鈞倡勸邑人廖

應昌重修明倫堂冀霖記復改建魁星閣為尊經閣自

為記乾隆六年邑人郭德灝改築泮池移櫺星門於外

而橋其上外為禮門繚舊路於垣內十五年邑人謝昌

捐學前右隅地以拓外基三十六年知縣潘汝炯重新

舊志五十二年重修嘉慶十六年改明倫堂為崇聖祠縣志

道光二十一年知縣張宗裕教諭張文渴倡勸重修大

成殿及兩廡大成門崇聖祠名宦鄉賢二祠宗裕記新志

崇聖祠在先師廟西北屢經修建仍其地

名宦祠祀二十五人

宋縣令方恬蕭佐萬億羅椅元縣尹李廉李敬明知縣

王學古何讓陳瀾劉格司馬瑋劉一臨王六如縣丞李

子昭主簿李鳳朝參議俞諫參將蔡汝蘭教諭林同劉

深舊志

國朝提學高璜巡撫白潢縣志知縣武穆淳通判王友沂兩

江總督陶澍新志知縣張宗裕

本仁案張宗裕於道光二十五年業經詳請入祠未奉文

鄉賢祠祀十三人



明黃閔黃德溫劉時省馬麟曹明王京俞溥江湖張淵

俞琳甘士价黃學李元祺

學額詳郡學

學田二十一畝二分零徵穀二十四石九斗完徵銀六

錢四分寶志自乾隆十六年後邑士續捐又有捐市房者

又新舊增收地稅若干歲可收錢一百餘千縣續志

又書院文會租獎賞生員租均歸學署收存散給同上

元古篤魯丁建學記信豐賴之支邑舊有廟學在邑之

大德三禩鄭人李公杲來尹撤而新之至戊申春燬繼

之者邈乎無以議為也春秋埽地設主而祭越某年乙卯呂宰天倪與監邑不花主簿張信增廣舊址取木於官山勸金於富室乃成今學邇來三十有三年矣丁亥

十月又燬講堂東廡之半儀門西廡禮殿皆蹂踐殘缺及銅錫竹木之器俱為煨燼僅得廢劍一百餘劬戊子

夏四月令尹崔侯到邑考其致燬之由去其所斲之室悉完故址越十月講堂東廡儀門西廡禮殿修理俱成

彩聖像造禮器勦堊丹漆五月之間煥然一新時余留郡城崔侯馳書請記予謂學校庠序之設自三代至於

今有民社者莫之敢後誠以國之所圖治者繫於人才而人才之所自出者繫於士學也夫上俾為學者於是

學焉厚之也上之厚之者如此士之自厚者為何如耶故居學而不為學自棄也為學而不知所以為學自悞

也學如之何必也見乎廟則動仰瞻鑽忽之思入乎學則以師弟之問答如己之親炙正心誠意明乎尊君事

上之道孝親敬長之禮與夫謹信愛眾親仁之方有餘力而學文則是學之實斯學者之所以學也乃若尋行

數墨口誦手抄誇記覽銜辭章以鈞名干祿豈國家作養之意哉學者思而勉之於心有得於時有用方無愧

於為學也信豐雖小邑自昔多良士繼自今士之為學當造乎實勿驚乎虛慎思而篤行之則人人有士君子

之行庶乎教養之美漸於遐邇而悉為禮義之區不其偉歟令尹崔侯名孝思字奉先古莒人 明吳

節重修儒學記畧

信豐為章貢望邑其東南有先聖廟學舊矣志載宋景德中邑宰方恬所

建元至大乙卯邑宰呂天倪主簿張信重修至元丁亥又火戊子邑宰崔思孝鼎新國朝屢下明詔作興學校為邑者迫於吏事莫之或承是以棟瓦日入撓腐艱於支撐正統間學諭林同偕司訓張鐸顧英謁義官黃綸而謀之綸慨然首捐白金五百金為興構費適尹駱子麟來知縣事以興學自任命工四出誅材葦石集於邑中撤去舊宇鼎建大成殿五間比舊加崇一丈有奇凡三丈一尺深闊惟稱經始於景泰甲戌冬十月訖工於乙亥秋九月龍霖重修兩廡戟門齋號碑

信豐據嶺之上游士壤饒洽民

庶殷富士類英達為嶺之首稱縣治之東南舊有儒學歷年久遠而頽弗葺景泰甲戌江右僉憲遂安余公復巡歷茲邑深慨舊學凋弊之久而殿堂乃義官黃綸輩新之命掌教李公清源司訓王公昉敖公進典史藍公閔惇勸千戶侯韓傑百戶吳魁義官鄧良義士劉時雨俞執中修葺兩廡各三間戟門各五間然而厥工未興之日適麻城駱侯子麟來知縣事革奸弊新庶政首興學校即謀於三先生曰大成有殿明倫有堂矣戟門兩

廡之未就雨齋號舍垣墉之弗稱邑人無以趨仰而瞻

企諸生無以講道而肄業也其何以興起斯文作新治

化乎於是營乃心一眾志既完兩廡戟門之美復以禮

勸義官甘鼎和義士吳志通馬仲智張繡甫邑民楊濬

哲鍾敏建東西兩齋齋之旁各建號房四間共成其事

由是規模整飭制度煥然視昔有加誠足以壯觀於一

邑王臣建學記今上嗣太平之歷閱四年於茲法天體

矣一歸於正猶惓惓嚴先聖之祀聿遵祖考之不訓惟

時守臣祗若德意罔敢或後信豐儒學舊有文廟宋元

遺址也先是守臣撤而新之會閩寇陷城材礎俱燬誠

可慨焉元年上惻然憫度人重罹斯苦乃命江西提刑

副使滇南張璠往飭戎備繼命分察嶺北公自駐節別

好剗蠹興廢舉墜憲度一新貪吏望風解印綬去閩粵

銅鹽之販椎埋盜奪孰鑄之奸並不得以自逞明年行

部至信豐作而曰尊道誌祀為政者之先務敢不祗承

休命爰措泉幣備工節費輦石掄材宋棟榭榭丹雘髹漆之供無乎不具而工師陶冶之在選者又無乎不精不踰年而落成大成有殿東西有廡廡後有廊各為三而戟門則間為九總若十楹規模視舊益加壯麗矣邑

庠生俞紳來徵文紀始卒於戲先儒有曰仲尼之道與  
王化遠邇今蒲海內外悉尊崇蓋與天地同一無極  
豈特王化之所及哉惟我士人圓冠方履毓山川之秀  
生明文之世得遊吾聖人之宮牆朝於斯夕於斯其可  
不精思力行以求聖人之道耶聖人之道著於六經昭  
如日星乃堯舜禹湯文武之所授受爲吾聖人特闡明  
之爲萬世則其功過數聖人遠矣然亦豈有出於民生  
日用彝倫之外者哉後世願治之主輔治之臣雖有絕  
倫之智高世之資舍此而能致理者未之有也二子  
尚其教於家而忠於國錫臯極而納太和不負朝廷  
榮重之典下不負臺臣作興之意其或竊取緒餘僥倖  
利祿則爲名教中何如人哉嗚呼其永敬承之毋怠工  
始於宏治己酉五月九日訖於辛亥五月  
月一日邑之聚貲董役者其名列於碑 唐錦重修儒學  
記 正德丙子春三月信豐學宮裁詩書俎豆之區蕩爲  
飄塵肄習罔寄絃歌無聲久之莫有任起廢責者明  
年丁丑秋憲副楊公廷宜以行部至見而愕焉詰其長  
吏曰邑賴之望也久以文獻稱而化源治本顧寂寥若  
是豈惟缺制抑將何恃而能邑也且佛老氏之宮爲其  
徒往往躐而就之剽竊吾道以伴爵祿遂叛焉謂之何

哉既而閱公牘得廢地數區公躍然喜謂興學有具矣  
亟售諸民取其直凡若干於是就工鳩材咄嗟而集甫  
數月功以成告廟宮既嚴講肄有堂齋廡翼峙燕私區  
列制所宜有罔或不備金碧輝映赤白炳煌觀者歆焉  
謂所未觀諸生游歌於斯登降奠獻於斯舉欣欣焉如  
趨躡孔庭而親挹夫秋陽江漢之盛矣相與樂而幸之  
然不敢忘也圖寫報於無窮則來請記予告之曰君子  
所以爲夫人而思報之者不難於不忘而難於不負昔  
常袞觀察閩中徒以文詞爲倡士猶感化魯侯修泮宮  
國入歌焉矧楊公於茲學有再造之功耶大書而深刻  
之以繫邦人無窮之思誠宜也雖然所謂不忘也而  
非不負夫國家設學之意將以興民心出治道天衷人  
紀賴以植焉非特以叢設萃處資諸生決科干祿而已  
也楊公興學之意所望於諸生者其有外於是乎今諸  
生振衣鼓篋於其間其必俯而思仰而求明倫而復性  
善俗以成化必使不負於國不負於公焉斯爲感之深  
而報之善也使弗思名教之重禮義之尊擾擾役役利  
途是徒飾枝葉而棄本根蘧廬孔孟而歸宿異端學雖  
興道則廢焉豈惟不負是謂倍人之德豈惟不忘是謂  
棄人之功宇宙雖廣宮牆雖高其何以自容乎爲彼而

不爲此惟擇之而已予於諸生有一日之義故以示告  
楊公名璋字廷宜楚之孝感人公廉有威遇事風生按  
察嶺北也激揚之餘郡邑廟學爲一新云  
辭甲新修學記 夫人有血氣而形  
有禮義而倫生異形弗端其情弗和則其倫弗明聖人  
所憂也而教生教也者所以明倫而正其形達其情也  
教必有師於是乎有釋奠之禮釋奠必有所於是乎有  
學校之設則夏校殷序周庠由此其選矣三代盛時無  
地非學而德行道藝之教行乎鄉閭族黨之中自井田  
壞郡縣立而學校廢復古者始卽邑居立學而鄉閭族  
黨之學一切不有則郡縣之學實兼鄉閭族黨之制而  
郡縣學之教實盡鄉閭族黨之人其地至廣而其教至  
重今有地數百里有戶數萬家而學校不修講誦無所  
舉其材之茂異者而棄之豈理也哉信豐在虔之南邑  
居秀麗生齒繁衍此余所謂有地百里有戶萬家者也  
縣雖有學而明倫之堂圯壞弗植此余所謂學校不修  
講誦無所舉其茂異而棄之者也辛丑十一月予按部  
至邑釋奠學宮大懼教化不立無以奉揚我國家崇儒  
造士之典乃召令庀工徒具財用期以旬月而功告成  
明年秋再至則輪奐翼然堂廡軒然誦習有所登降有

潛閣閣焉鄒魯如矣獻酬畢事鼓鐺在縣乃進諸士子  
而告之曰諸生欲明爾性乎盍觀於此堂矣斯堂也可  
昔而言謂之廢自今而言謂之修雖耳目異觀然而修  
者其真體也人之生獨無所謂真體者乎父子繼君臣  
義別於夫婦序且信於長幼朋友非僞爲也或蓬而不  
發發矣而或不中膠訓誥者滯經驚元妙者離性是棄  
之也然孩提之童知愛其親而不能使愛他人之親行  
道之人可飢餓以死而不能嗟來之食此奚從至哉真  
機之不容已也引而伸之擴其明而充之不猶堂之廢  
者修故者復乎顧堂作於人有費有勞而任事之人或  
不能以自力則無以宜民而適變不若性出於我而無  
待乎外也此其易於斯堂也無算矣難者可爲况易乎  
在人者可勉况出於已乎是可以知性也於是乎諸士  
子躍然而從油然而喜謀相與傳其事於石而因署縣  
事同知張銓教諭羅宏以告予惟勞民勤相者有司之  
良而觀名思義爾諸生實應有之奚以予言爲也歎其  
作興之誠與夫好德之  
秉彝不容泯也爲之記 廿士价重修儒學記 不敏則竊  
百餘年以來嘉惠學宮人文蔚起蓋彬彬稱盛矣今天  
下遐方僻壤莫不有學而其間興替之機則繫之郡邑

有司夫上振翼則土灌厲上踵陋則士襲故從來然也  
我信豐爲度屬邑雖界在山谷而郁然稱文獻其廟學  
舊在縣治東南隅前此者興修不一而士之奮跡其間  
葦聲天路者武相接也迨中運窳微堪與家遂得執善  
敗伸其說謂宜購民居增拓厥地闢巽門其前於風氣  
便歲壬申中丞石塘李公兵臬星池黃公暨郡伯思庵  
黃公邑侯任庵劉公皆一時留心學政者毅然俯從之  
以故規制頓覺改觀而士氣日鬣駸起卽不佞亦得以  
末技售有司此豈形家使然則作人之化懋也越數年  
而大成殿及東西廡戟門櫺星門皆以日久就圯木石  
者燬磚甃者毀圯墁者隳我士人咸病弗稱也今年春  
去任葉松野公謀新之不果會南安郡丞陳玉琳公至  
吾邑首謁文廟四顧喟然曰嗟夫焉有聖靈未妥而  
敢一日安民上哉是在我第財用告匱而疲民未可以  
使奈何乃商之學博及幕屬諸君徧索官帑得梁稅若  
干藉可資厥費以申之當道當道素材公是公請遂以  
三月吉鳩工始事越再月而告成凡向之燬者敗者隳  
者與夫缺漏者欹斜者靡不撤而新之又爲增其所未  
備由是煥然完美加於舊規遠甚諸博彥乃具其事屬  
不佞士价爲之記士价爲公之來攝行邑政者也夫攝

政者往往視其地如郵耳謂代者且旦夕至高臥運之  
或曰晏坐庭中治一二簿書謂吾責塞矣卽民間一切  
利病且秦越視之違知所謂學校哉公獨能視邑猶家  
愛民如子諸如竟役窮奸訂禮易俗市地掩骸善政彰  
口碑姑置不論卽其以興學校造士爲急務亦於世吏  
徑庭矣雖然學校所爲重者有本焉有文焉余聞公以  
朔望詣學中未嘗不與諸博士弟子譚說經義究明理  
學或竟日不休而又以月親課其藝所品藻無不當士  
心則知公之振勵我士人固不在丹墀文致之間也夫  
聖賢之道本之一誠而已蘊之則爲實學發之則爲實  
政無二致也公有意興起斯文而新其學舍異於所謂  
高臥冀遷苟且塞責者此皆公實心實政之爲也我士  
人之講學肄業於斯無亦求端於經術從事於身心性  
情指歸於仁義道德以求所謂誠求所謂實學者庶幾  
不負國家建學作人之典公所以修學右文之心斯善  
矣否則是役也亦文具耳於道何有哉而亦惡在其爲  
文獻之邦也士价本邑後 俞獻可重修儒學記 信豐之  
學竊欲與吾儕共勵之 慶壬申請生請於當道乞市民居斥而廣之因闔門其

前便事下前令而初畫未詳頻作頻易越萬慰丁丑春  
邑大夫任庵先生劉公至謁廟禮成輒登城頽瞻慨然  
曰是在我矣初城之六門歲久浸圯累議修之而不得  
請至是而六門之圯益甚明年戊寅公始併以修城之  
議上之三臺暨諸監司若府皆報曰可公於是察形勢  
較廣袤立營表度有司程土物召匠石計徒庸厥既備  
矣乃以是歲夏五月始事首學宮徙正門以當吉向室  
側徑以固風氣平沮洳以即夷塗繚以短垣表以棹楔  
已迺及於城樓之庠者升之門之複者塞之棟之檁椽  
之落者易之焚之陷者堅之警鋪之摧塌者補之黝堊  
之漫漶者新之越明年己卯春三月而上告訖於是信  
豐之學嚴正闔器稱壯嶺北三明如几湖峯如笏衆流  
如赴羣山如衛爭奇競秀舉在目前百年俎豆之地一  
夕改觀矣邑學博許君超宗黃君燮王君季若進諸生  
張子庠吳子崧而告之曰公六事並修而加意文教創  
所未有完所未備啟闕鳩靈以鼓士氣而使之奮者惠  
至渥也不有紀勒無以昭茲而信後迺相率而過獻可  
與談公任事勇而應變速綜理密而運量周其揮霍之  
才超卓之識有如此者獻可曰是觀其標未探其本也  
夫興作之役何邑無之事聞而上有惑志令出而下有

譁語此何以故素未立也乃公天性冲泊而學嚴義利  
之辨自其家食與初諾仕時固已然矣比蒞信豐無論  
他謁卽里甲之供億過客之交際民間歲時之享獻一  
切謝絕以此自愛亦以此愛人其體國愛民之衷懸冰  
跨雪之守達於上下而信之久矣由是而震撼有所不  
足動強禦有所不足畏嫌有所不必遠怨有所不必避  
務所當急政所當舉義以裁之斷以成之何事不可爲  
何功不可奏獨興作哉諸君驟然曰子蓋知公之深者  
幸而記之獻可受命退而按狀書曰是役也城之工計  
倍於學稱修學者從所重也費出於公帑而民不知力  
出於市氓而農不知護作之者幕史羅君  
三才也公實主之公名一德楚松滋人 國朝張繼

煥重建儒學記 信豐學宮火於兵五年不復順治壬辰  
邑令吉公允迪乃倡舉而肇建之繼而

令誥令蒙滿令宗昌令卿長吏凡五易歷十有一年而  
後告成博士宋先生朝聘與其事者九年李先生曰  
與其事者六年廟甫成而余來適與其會兩先生及諸  
生請余記之余曰自漢高以太牢祀孔子嗣而有天下  
之主幸令海內飭建學宮禮祀先師所以崇正教而率  
人倫也然明季兵燹以來余所歷郡邑委鍾簞於草萊

施講筵爲廢圃者十居三四而佛宇神祠則往往金碧  
喧熱此其司牧者何守司鐸者何人不幾爲緇衣羽流  
之所歎耶夫彼竊元言之糠粃映慧照之餘光尚能使  
人聖丹煥彩以飭其宮函錦塗金以藏其書士大夫宏  
文體道得位陳力而統內子弟或至綦蕪費序凌藉經  
史豈其術遠出其下哉蓋士大夫官之而彼家之也士  
大夫以三年必去之人掌王事鞅掌之劇或目不暇給  
或力不能辦或需之後時而遷變非意姑已焉耳彼緇  
衣羽流尺寸皆其有也升斗皆其積也故畢力而肆志  
焉譬猶家塾里校子弟之恂恂而來孳孳以學者不可  
多得至乃尊師重道什襲其文而寢食其好奔走其事  
而修潔其節者非有賢父兄以敦率之良師友以誘進  
之類弗能也信豐山川盤輿人文都雅當其盛時名卿  
世族肩接星聯今雖罹亂之餘猶且孝友比屋絃誦相  
聞豈非諸公及兩先生敦率而誘進之有其漸耶抑非  
趨踰以時而講習有地耶然余竊謂諸公後先濟美克  
協厥成豈曰飭美觀於俎豆哉亦將翼進俊髦而登之  
聖域不傳舍職守而秦越諸生耳今  
主上方且黜  
浮詞崇實學以策論制科登進經明行修之儒信之多  
士出淳美之鄉席有漸之化抒揣摩之經術慮新之之

招弓宦轍所蒞亦心諸公之心而推其行佐昌期之盛  
治彰聖道於無窮則不負諸公及博士兩先生矣是役  
也吉公拓其基陳公倍其功而竹公揚公吳公及博士  
兩先生皆捐貲勸力以成之董其事者則明經張國祚  
嚴廷訓生員許逢臯俞儀卿出資樂輸者故家子衿及  
鄉耆若而人然歷年最久厥績尤多者實維宋先生爲  
首稱焉余繼諸公之後而與兩先生同觀其成故樂爲  
之記亦庶幾附名姓於不朽也云爾銘曰巍巍夫子道  
大莫京與世俱隆與物偕生天地緯之古今爲經宮牆  
萬仞廟貌下城矧我環堵詎曰崢嶸如彼舟楫載道以  
行如彼簞竹集於大成帝命師牧來毓羣英  
方正玉重  
崇本疏源大道以宏於以紀之千秋令名

修儒學記

士居恒自命多不得意於令憤其不念教育  
爲邑首務棄庠序於不問也噫此平居未入

仕途者之論迨簪纓及身孳孳汲汲承上意以貽下憂  
者比比欲矯然以獨異以束縛之身棘刺之手日籌畫  
思考鍾鼓於橋門鬻序詎易易哉玉年五歲就塾年十  
四爲文弗克承先人志以繼家學七困於場屋捧檄之  
年已四十矣每自警曰吾縱不得以科名衡鑒天下士  
猶幸得百里之地培溉滋植樹榘杷梓以儲梁棟器

下車謁廟見殿宇庠隘與黃紫台游蒼書兩學博同諸紳士徘徊階下愀然不敢仰視蓋為主寇之毀廢久矣諸紳士揖而前曰信邑向有興舉皆均於里畝歲取無算從未議及學宮者今百費盡革欲興此大役誠難然有志者成其事公既爲倡當共矢修復之願玉曰事雖鉅囊雖澁固令之責也第經營拮据諸君襄之耳於是梁棟椽柱磚瓦灰石陸續構買庀材鳩工悉設法捐助用盡厥力如是者歲餘始得崇建大殿分翼兩廡奉舊像於聖位之後四配以下遵會典立主而序列之築地平磚沿階砌石使朱門紺宇聳峙輝煌別於櫺星門外鑿池以洩南山白虎之勢環垣夾道書思樂泮水宇於池上東西立義路禮門禁民之侵估學地地西之門無許高大以迎秀門城樓爲青龍修而壯之內則修名宦鄉賢二祠鄉賢之原主遭土寇燬失者依府志補立別捐十金於其子孫獲息爲購犧牲費依期同祀各分胙而守之修啟聖祠明倫堂並賓師學署禁門斗之婚喪勿由中路東建濂洛關閭五賢祠及奎樓諸公更以玉闡先明善公性善之旨樹屋二楹立繼善堂南蕪兩郡之來學者皆於此受訓寧都彭南枝光祿作文紀其事輪奐巍峩爲邑鉅觀將見文運聿興綿綿濟濟騰科名

而登廊廟後未有艾由今視昔奚啻霄壤有其志者成其事豈不信哉憶王與諸公經理之日求大殿梁柱不得首事者覓於鄉見有封社之木直立冲霄語於玉呼社父老語之故給以俸另封木爲社運至則合大殿梁柱不爽毫髮諸公詫異羅拜以爲神賜噫玉卽於起梁讌飲之夜解組綬諸紳士呼號環擁起旗罷市羣知大吏別索不遂記舊隙中以萋菲玉固以文廟告成爲幸當歲旦上元煖燈殿側仍講論達旦酒酣執筆語諸公曰天地經緯得綱常之繫於不替者恃有此明倫地也士生讀書多貧屢困抑未易展其志守土者事縛時窘奉大吏之不遑且示庠序爲贅疣因循淡漠稍修葺亦徒飾焉未易從焦勞况瘁中不染民脂合衆心爲久遠計乃令玉獨何幸得助羣力以成大舉玉雖去後有繼者諸公之力不能泯也爰作文勒石敘列姓名於後以垂不朽

劉宏鈞改建尊經閣記

歲壬午余承乏桃江至觀然鐘鼓不設籩豆不備倫堂傾圯門閭迫隘不足稱國家追崇先聖之至意乃擇乃考乃諮乃度偕諸生而相厥址曰若者爲敬一亭若者爲日新時習二齋其基廣袤若干曰魁星閣 國朝己丑火廢爲瓦礫場者六



十餘年矣余曰聖殿既修而諸制未復是營宮室者有廟堂而無居室也適辛卯春學憲冀公飭修舉學校廢墜邑諸生某等用是仰承盛意各損金以爲闔邑倡既門闕屹屹倫堂有翼鐘鼓在序籩豆在房又建石獅二踞於外門石鼓二峙於內門獨魁星閣費尤耗大自辛卯夏六月朔始事十二月望日始告成其爲楹若干下基以石上崇以樓中置櫺廈旁闢以戶以爲藏書之所凡用工若干費若干更而名之曰尊經閣將以示學者知所宗而諸生揖余記之余爲申其說曰自孔子刪定而後於是六經之書如日月五星之周布於宇宙而爲身心性命之旨君臣父子夫婦兄弟朋友之要不可一日而離焉者也夫天位乎上地位乎下造物發育萬象雜揉固莫不有自然之理與當然之道初固不假語言文字而後存而聖人之教則固不離乎語言文字者何也自夫人之拘於氣而蔽於物也聖人不得已而爲語言文字以立訓其語言文字蓋一本乎天命之本然而若有所不容已者又初非假一人之私智意見以爲之說也是語言文字即所以體乎身心性命而實致乎君臣父子夫婦兄弟朋友之矩者也然載籍極博六經俱在由周迄唐千百年間無有上接乎孔孟之傳者何也

夾溪鄭氏曰秦人焚書而書存諸儒窮經而經絕由未有以實驗之於身心性命以求其實體之於君臣父子夫婦兄弟朋友以究其要區區訓詁詞章之末既浮而不適於用雜之浮屠老子之途益僞而大亂其真此韓子所謂軻之死不得其傳焉者也至宋而周程張朱五夫子出而有以上接乎孔孟之傳乃鵝湖陸子之說大啟良知之僞其與火於秦黃老於漢佛於晉魏隋唐者奚以異焉周子曰聖人之道仁義中正而已夫仁義中正即六經之旨所攸歸而所以行之守之廓之者非格物致知無以識仁義中正之所在非戒懼慎獨無以體仁義中正之所存此則程子敬義夾持之說朱子動靜互用之功既已盡之而學者博文約禮反諸言行樞機之際而有以識其要焉則六經之道無精粗本末淺深鉅細無不一以貫之若良知家言舉六經而歸之於心其高似出於言語文字之外而不知六經者正治心之書即心所謂寂然不動感而遂通者蓋極深研幾之至而心固有人與道之殊也夫不能致知格物戒懼慎獨有以自治其心而漫曰心是以佛氏即心即佛之旨妄希六經之歸是又與離經之甚者也余不敏用是敢申其說焉維時朝夕拮据以成斯閣者二十有六人應

不忘其廉幹之力例 冀霖重修明倫堂記 仲尼之學教

得並書其名於後 弟子未嘗特

摺人倫為言弟子之學於仲尼三千人傳稱其身通六

藝者七十二子傳何不稱其大者而稱其細行耶蓋春

秋時諸侯大夫僭竊相踵因有顯悖彝倫之事而二帝

三王教人之旨猶未至於泯滅仲尼起而修之自德行

言語政事文學下至執與釣弋亦無非子臣弟友之道

不言倫而倫在迨異端出邪說誣民充塞仁義幸天下

之人日入於無父無君禽獸之類子思孟子始舉五者

之倫大聲疾呼以明仲尼之教在是若日月之經天江

河之行地所以以上繼堯舜禹湯文武周公而為萬世師

其說遂不可以易後世雖以秦之失政於棄其言而卒

不能棄其倫 國家重道崇儒遠邁年代郡縣莫不有

學學莫不有明倫堂視宋明之舊已日增日廓康熙辛

卯子承乏膺 簡命較士江右顧信豐令劉君宏鈞來

告曰信邑文廟則壯麗矣顧明倫堂猶偏塞荒陋爾然

弗稱今年春學博文學議欲新之以太學生廖應昌勇

於為義曩曾與修大成殿及水口來星閣乃進而與謀

應昌即慨然以為己任凡木石丹漆匠氏之費不糜衆

一錢始於仲秋之朔盡冬月而工畢堂之深加其舊五

尺廣如之僅存柱礎者四以不忘前人之蹟敢以記請

余謂世之障蔽持籌擁贊自私者誠不足道即一二好

學前地基記

於城中東南之偏明時又特啟城門於南

向巽地度其區域秀水左朝莊山右衛可謂居邑之勝

千百禩不易者矣而學宮門外地廣狹不均始而屬學

宮者俄而或入民居明時生員張庠等常恢拓之久而

復遭侵削蓋時勢移易漸積而然固未易一朝復也余

下車謁聖廟周遭闕之東南倚城而北向街衢惟西南

有奇不大聲色不擾一民而學官張宗裕重建學記

之前曠然擴清可不謂能矣乎

在三國屬吳為南野南部都尉守之與西蜀連衡不為

曹氏所奪迄千數百年人猶慕義而好勇無事則負耒

橫經有事則張弓挾矢庠序之教其化澤入人之深如

此道光十七年宗裕奉命調信豐令既抵任齋戒釋

奠於至聖先師瞻仰廟庭榑柱剝蝕殿與大成門座向

參錯與教諭家泗濱先生亟謀重建維時甫出令創設

城鄉義倉恐民力有不逮道光十九年始卜日鳩工紳

民踴躍助工金且有獨任建東西廡祭器庫樂庫者則

陳允昌之後裔也任建大成門暨名宦祠及鐘鼓亭者

則小江堡之紳民也建崇聖祠者則邑中之廖姓也二

十一年十月訖工於是殿廡門牆煥然一新明倫堂五

子祠尊經閣及迎秀門攬秀亭悉增高地基予並勸修

城垣行路羨為偉觀其董事敬慎不怠者則貢生陳錦

標施澆職員謝容張相成監生熊攀華生員甘樹棠武

生陳貴蘭也釋菜且有日士民雲集家泗濱先生曰邑

侯不可無以教之予曰國家承平百九十餘年矣諸生

薰陶雅化蓄道德能文章繼甘中丞而起者必有其人

且三代學校之教稽諸經而可知矣又何待乎予言顧

信豐巖邑也昔元季紅巾賊奄至吏民力戰以挫其鋒

賊乃奔竄迨明嘉靖楨清規倡亂闖廣諸盜相率從之

嘯聚於下厯諸山郡邑震恐而士民倡義奮勇勦殺賴

清規自剄死賊遂潰非沐浴聖人之化而能然乎承平

則誦詩讀書寇至則守望相助學校之所以教人者如

是而已又何待乎予言是為記

